

SEFA YA MUTU YA NAHANA

 Ni itumezi, Muzwale Mann. Ni boni utisize muzwale. Mulenaaku fuyole. "Lika kaufela za konahala, ku lumela fela." Halu lapeleni.

O Mulimu, kaniti sani kona sesi lakaza lipilu zaluna busihu bwa kacenu, fela ku lumela. Sina ha lu kopani mo busihu bwa kacenu mwa tabernakele, lizazi li likela kwa wiko, lwa lapela, Mulimu yomunde, kuli Uka lutusa kulemuha bukaufi bwa lizazi ka kusutelela kwa ku likela kwa nako; liya li fela. Lizazi li se liile. Mi lu hupula nako yeñwi lizazi hane li se liile, bazamai bababeli ne ba Ku kupile kuli u kene uine nibona. Mi he ki ha Ne uitibahalize Iliwena ku bona ka ku tatulula Linzwi la Hao ni ku batusa kubona seo Kreste na lukela ku nyandela, litaba ze pili.

² Kacwalo lwa lapela, Mulimu, sina lizazi hale liile, kuli Utahe mwa mandu aluna mi utopila ni luna, mi utatulule ku luna Linzwi, Mulena, kuli luswale sifumu se sizwa ku Wena ka muhau, kakuba mpo mwa lipilu za luna. Mi lusike kukena ka ku Si hatikela; lukonise kuli kamita lufe likute ku Sona ka lipilu zaluna kaufela.

³ Lwa itumela ku Wena ka So no ezize ku bani mwa sipatela kakusasana wa kacenu, ni so No ezelize mushimani wa Muzwale Capps yana lobezi, bukaufi ni kushwa, mi cwale ki yo uteni mwahala sicaba busihu bo. Ka mo luitumelela ku Wena, Ndate, ka lika ze kaufela!

⁴ Alaba, Mulena, kuli luzibe mwa ku Ku fela tumbo. Lukona fela... Li fitelela kutwisiso ya luna ka kuziba mwa ku Ku fela tumbo. Kono, Mulena, amuhela lipilu zaluna kakuba libyana za buitumelo, kuli lwa Ku lata. Mi cwale halu—halu bata kueza se silukile, lu bonise sa kueza. Lwa kupa ka Libizo la Jesu. Amen.

Mwa kona kuina.

⁵ Ki manzibwana amande kwa keleke yetezi ye busihu bwa kacenu ni kwa buse bwa na ha fa mawaile. Babulezi kuli ba luteeleza hape fa mawaile busihu bo.

Na sepa musala ka wa teeleza ni yena. Ha ni sika mu lizeza, kacwalo Ni ka mu biza kasamulaho wa sebelezo.

⁶ Mi luna ni kañolo fa kuli munyana Muzwale Jackson una-... kamba bo ndatahe ka kuba mwa buino bo bu cwalo, kuli kubile cinceho tuna ye ezahalile, mwendi baka ba lukulula batahe kwa hae kamuso.

⁷ Mushimani wa Muzwale Capps, yana ni bizize busihu bo buñwi, Hani zibi kamba Muzwale Capps uteni mwahala sicaba kamba kutokwa, kono, mi mushimani wa hae na kulile hahulu.

Mi neku ezahalile fela kuli Joseph ni Na neluli kwani kwa—kwa ku yo zuma, ne ni lukisa tobolo yaka ya bu twenty-tuu. Ne ni mi bulelezi ka yona sunda yefelile. Mi luli ikaba ku kunupa ko ku hande. Mi kacwalo na bata kuba ni niti ni ku bulelela Gary ni Larry sa na ezize. Mi a ni bulelela, hana ilo kuta... Ne niize, “Mu lukela ku tuhela ni—ni ku bulelela Muzwale Gene Norman ka sona.”

Na ize, “Tuhela mi ubulelele Billy pili,” muzwale wa hae.

Kasamulaho wa ku mu bonisa mikunupelo yeminde yana ezize, ki hali, “Cwale usike wa ni latelela.” Mwabona?

⁸ Mi hane luizo fita fela kwani, kiñi, luwaile se lu lila, mi Billy amatela mwahali ku yo utwa... Se nili, “Ikona kuba pizo ya makulano cwale.” Mi se lukena mwahali, mi neli Muzwale Capps. Mi mushimani yomunyinyani nana ni butuku bwa ku luluhu mwa mba, mi neli fela tohonolo yelikani kuli na ka pila. Mi Mulena u mu folisize. Mi busihu bo buñwi nabulezi kuli na kulile hahulu ha butuku luli, Musala bo Wood na sweli ku ni bulelela. Mi ne lu fundukile ka putako, mi ne Ni sweli fela... Se nili, “Musala bo Wood, se ku unsufezi cwale, teni kiloko, Ne ni kakanya haiba ne ba ka ni lu lumeleza kukena mwa sipatela.” Ne niize, “Ni kaya fela kwa ndu mi ni kwale munyako.” Mi se Ni ya ku yo lapela. Mi se bali mushimani yomunyinyani uteni mwahala sicaba busihu bwa kacenu bo. Kacwalo lu itumezi hahulu ka sani. Mi lu itumezi.

⁹ Cwale lu swalelezi; ha lusika utwa kale. Haiba Muzwale Leo Mercier ni Kezeli Mercier usweli wa lu teeze, halusika utwa kale ku bo ndataho. Lu sepa ku ba utwa fa nako nyana, mo ba zuhela. Kono Ni na ni niti yetezi kuli ukaba hande, kacwalo lu sepa sani kuli Mulimu Yamata, kuli Mulimu uka tokomela lika zani mulikani, muuna muhulu ya kenile, mukutazi wa kale mwa bulumiwa bwa Evangeli.

¹⁰ Cwale, oh, hakuna lika zeñata hahulu ze lukela ku ezahala, mi ni bunyinyani bwa nako ya ku lieza, kacwalo mubeye fela kuikataza kwa mina ko ku nyinyani cwale ku se lukona ku ezeza Mulena luna.

¹¹ Ne ni tile ka ku itahanelia nyana. Mi Ha—Ha ni sikabe ni ikutwa hande fa nako nyana. Ni katezi, ka kutala luli, mi ne Ni lobezi musihali wo. Kusike... Mane ha ni sika ca kale nihaiba mulalelo wa ka. Kacwalo Na—Na kena mwahali, ne ni lobezi fela musihali kaufela. Ne ni ikutwa bumaswe, kulobala fela cwalo fani. Mi ki ha ni kala ku lapela, mi se Ni ikutwa hande. Mi na yema, na apala liapalo za ka, ni kutaha kwa keleke.

¹² Kacwalo lwa—lwa sepa Mulena Jesu cwale kuli Uka fuyola kuikataza kwa luna busihu bwa kacenu, ku zamaevela ni kwa buse bwa naha lu lika kopana ni sibaka se sa Mubili wa Kreste, se Ni filwe tukelo ya kufepa lingu za Hae. Mi Nikona fela kueza

zende luli kuya ka zibo yaka, ka kufa Sico se si lukela se Ni ziba kuba sa lingu.

Mi Ni libelezi ka lishuke tuna kwa hola yona ye lukona ku kopana kaufela mwa sibaka silisiñwi fa Likoto Zesupa zani, ni Manaka Asupa, ni Litolombita, ni zeñwi cwalo. Kaufela zona liezahalela mwa swalisan. Lani kona libaka ha likona ku lutanda sunda mutumbi, mazazi a lishumi kamba kufitelela, kuli lu kone ku feza mwahala yona mwa mukopano ulimuñwi, haiba lu kona. Ni nahana kuli kwa swalanela.

¹³ Cwale, buñata bwa mina mu ya kwahule. Ni talima fande kwanu, mi Ni lemuhile fela, fa nako nyana yefitile, balikani mwa Tucson. Musala bo Sothmann, Ni bona Muzwale Fred ufitile kulukile. Ni mu boni mwahala sicaba kakusasana wo. Mi fani Ni nahana kuli yani ki Muzwale Don Ruddell ya inzi bukaufi ni yena kwa mulaho kwani, busihu bwa kacenu. Ki tabo ku bona Muzwale Don mwahali. Ni Junior, kana Junior uteni mo njí, kamba uinzi kwa keleke ya habo? Na sepa ba teni ba inzi kwa mawaile kwa keleke busihu bwa kacenu.

Kacwalo, mina kaufela bana bahesu, lu tabile hahulu kuli muteni mo ni luna busihu bwa kacenu, mi lu sepa ku Mulena kuli zazi leliñwi, fani bupilo bwa lizazi le ha bu ka fela mi liseli la bupilo nyana bwa luna halise likala ku unsufala ni kutima, haluna ku saba bumaswe, kakuli kwani mwahala zani—zani za . . .

¹⁴ Ni na ni fela pihó nyana ya mina, kwani kwa—kwani kwa . . . mwa Arizona, kwani kwa Prescott. Muzwale Coggins u lukuluhile mwa sipatela. Kacwalo lu itumela hahulu ka sani. Kihande. Sani ki sesinde. Kacwalo lu itumezi hahulu ka sona. Kezeli Mercier, bo ndataho basweli kuba hande onafa cwale. Ne ni ikutwile fela, kasamulaho lumana ku lapela, kuli ne ba ka ba hande. Kacwalo ba swanelu ku ba lukulula; Na sepa ba zwile; mi Ni sepa kuli ba zwile. Kacwalo lu itumezi hahulu ka sani, kuli muzwale wa luna u—u i ketile cwale, mi ukaba fela hande. Kacwalo lu itumela ku Mulena kwa lika ze kaufela.

¹⁵ Ne kuna ni kupo maabani busihu; muzwale ya lateha fa, Na sepa mwendi ha yo ni luna kacenu. Muzwale yazwa kwani kwa Kentucky, na ni bizize ka mwana hae wa musizana. Lubasi lo lunde, mi mu—mu musizana uya kwa kupazuliwa, me yomunyinyani ni kansa mwa mukokoto. Kacwalo lwa—lwa lapela kuli Mulimu uka lamulela musali yo munyinyani yani. Na lumela kuli Uka eza, haiba lukona ku . . .

Haili puteho, luna kaufela hamoho, lu kopane mi lapelele sicaba se, kamukana hamoho. Sani kona se lu lukela kueza, ka kuba sikwata. Sina . . .

¹⁶ Mi sina mazazi aya asutelela bukaufi ni bukaufi, ni kutitihana kwa nzila, lu—lu bata ku zamaelela bukaufi hamoho. Mawi, lu lukela fela kuba alimuñwi, mubili ulimuñwi. Lu lukela

ku zamaya hamoho, kulibala libi za yomuñwi ni yomuñwi ni ku shutana kwa luna, mi lu swalane fela hamoho fa bukaufi ni bukaufi ni bukaufi, sina ha lu bona kuli Lizazi lani li sutelezi. Ku kopana kwa luna hamoho, kaufela mwa buñwi ni pilu iliñwi. Mi haiba muzwale, kezeli akeluha mwa nzila, ka mukwa kaufela, usike wa eza sika kaufela kono ulapelele mutu yani, mi ka lilato, kamita mu tokomelanange. Musike—musike mwa tuhelela kuli ni yomukana wa mina ku ya alateha. Mupile hamoho. Mi, haiba mukona, muekeze babañata mwateni, ka ku tundamena, nako kaufela.

¹⁷ Muzwale Neville, Ni na ni kupo ya hao kuamana Muzwale Wright, Muzwale George Wright ya inzi fa. Lu tabile kuli Muzwale Wright ni Kezeli Wright, mo... Edith yomunyinyani, Ni... Zazi leliñwi hane lutive, lu bata kuba ni sebelezo nyana ya kupuzo kwanu.

Ne ni sika kutela kuyonga Edith fani hana ile. Kono, Kezeli Wright, wa hupula tolo ya nabile ni yona mwendi seli lilimo zepeli zefelile. Mi Ne ni mi bulelezi kwani, Ne niize, "Ki, Edith yomunyinyani hana kuina ni luna nako yeteletele cwale," kakuli Mulena na sa lu bulelezi kale kuli na ka lu siya, kuya ka tolo ya nabile ni yona yani. Mi Ne ni bile ni toloko ya yona, kuli, nana ni ku yo kopana ni Mulimu. Mwendi kasamulaho wa lilimo zepeli, na ilo kopana ni Mulimu. Cwale usweli ku libelela bo ndatahe ni bo mahe kuli basile museto o aba fahali, mwahala butu bwa kushwa ni kusa shwa.

¹⁸ Mulimu ami fuyole. Ni bata ku mi bona ona fa cwana, haiba fela Ni ka kona. Kacwalo Mulimu abe ni mina ni Shelby, ni mutu kaufela. Ne ni hupula kuli Ni boni Shelby kakusasana cwana; Ne ni sa zibi hande.

Hamukoni kubona hande kwa halimu kwanu; situwa si sutelezi mwatasi sina cwana, mi sitibela li—li liseli sina cwana. Mwa kona ku bona miluti, kono hamukoni kubona batu hande.

¹⁹ Cwale lukene fela mwa Liñusa. Le ki Liñusa le Ni bata kubala mwa Numere 19:9 ni Maefese 5:26. Mi haiba mina sicaba mulata kuñolanga litimana, ni zeñwi cwalo, kupalañi, mwa kona ku liñola.

²⁰ Mi cwale muhupule, haiba se sa tepiñiwa... Ha ni zibi. Hakuna ye ni bona ni yomukana. Eeni, Na bona, Ni bona Muzwale Terry kwani mwa—mwa muzuzu wa kungela manzwi. Mi haiba ze za tepiñiwa; ku mukutazi kaufela kwa sibaka kaufela, ka nako kaufela, se ha si kutazwi ili kulwanisa lituto za mina, se mane hasi bulelewí kwa lingu za mina. Liñusa le, ni amañwi a Mañusa o Ni kutazanga, alibile fela kwa puteho yaka. Ha ki sa puteho ya mina konji haiba ba bata ku Si amuhela. Kono Si talimana ni sicaba se kwanu.

²¹ Batu ba lekanga ma tepu aa. Mi ni sicaba kwa buse bwa lifasi ba alekanga ni ku aliza. Linako zeñata balu ñolelanga. Mi ni Na

kamita na ba talusezanga, haiba ki ma membala ba keleke yeñwi kuli, “Mu bonane ni mulisana wa mina.”

²² Cwale, mulisana, Ni bata kuli uzibe sani, kuli, se ki sa puteho yaka fela ko Ni bulelala lika ze. Mi Ni na ni tukelo ya kueza cwalo, kakuli Ni beilwe ka Moya o Kenile kuli ni tonele lingueze. Mi bumai ki bwaka haiba ha Ni ba buleleli se Ni nahana kuli kona Niti, ni ka nzila ye Ni nahana kuli kona mo Si tahela. Kono ha ki Sa lifasi kamba kuba sa likeleke zeñwi. Mueze kaufela seo Mulimu ami bulelala ku eza. Na hanikoni ku mi alabela, kamba mina hamukoni ku ni alabela. Kono lu lukela kuli mutu ni mutu aikalabele fapila Mulimu, ka bulumiwa bwa luna. Kabakaleo, haiba Ni na ni ku alaba ka bulumiwa bwa ka, Ni lukela ku Li kutaza mwa nzila ye Ni Li bona ka yona, ka nzila ye Li patululezwi ku na. Kacwalo sani si zibahale cwale.

²³ Cwale mwa Numere 19:9, lu bata kubala timana ye, kamba Liñolo, nitaluse.

Mi mutu ya kenile uka kubukanya mulola wa sitole, mi ayo ushukulela kwande a munzi fa sibaka se si kenile, mi u ka bulukiwa bakeñisa kopano... (mutokomele cwale) kwa kopano ya bana ba Isilaele ka mezi a kauhano: ili ku keniswa kwa sibi.

²⁴ Mulemuhe, ha ki ku mutu kaufela, “ki kwa kopano ya bana ba Isilaele; mezi a kauhano.”

Cwale mwa Maefese, kauhanyo yabu 5, ni kukalela fa timana yabu 22.

Basali, muipeye kwatasa baana ba mina, sina ha mu ipeya kwatasa Mulena.

Kakuli muuna ki toho ya musali, sina Kreste hali toho ya keleke: mi ki yena mupilisi wa mibili.

Mi sina keleke ha i ipeya kwatasa Kreste, ka mukwa oswana ni bona basali babe cwalo kwa baana ba bona mwa linto kamukana.

Baana, mulate basali ba mina, mane sina Kreste mwa latezi keleke, mi a itobohile bakeñisa yona;

Cwale se Ni bata kubulela fa ki se cwale.

Kuli a i kenise mane kufitela iba ye kenile ka kutapiswa kwa mezi a linzwi,

²⁵ Cwale, taba nyana ye busihu bwa kacenu, haiba Ni ka ibiza kuba palo. Mi Ni sepa kuli sicaba kwanu, mi hape ni kwande mwa libaka za mawaile, habana ku sa kuteka se ka ku nahana kuli si talusa ka nzila ya kashwau. Nihaike, ka kunga timana ye cwana, kukona ku utwahala kashwau. Tuto ye Ni itusisa busihu bwa kacenu ki kuli: *Sefa Ya Mutu Ya Nahana*. Sani siutwahala kutunga hahulu kwa kuba tuto, ku mukutazi ya sa zubangi, akanga tuto ye cwalo, *Sefa Ya Mutu Ya Nahana*. Ne ku

ezahalile cwana, kuli, kakusasana omuñwi ha ne Niile kwa ku zuma tumale.

²⁶ Haiba mina sicaba kwande kafo fa—fa silimba, mwa moyo, kamba fa muhala wa luwaille, nemuka bona mubonahalelo ya lipata za sicaba mwa puteho ha Ni bulezi toho ya taba ya ka, ne mu ka seha. *Sefa Ya Mutu Ya Nahana.*

²⁷ Kihande, ne ku ezahalile fa halimu fani fo Mangeloi a Mulena hana iponahalize ku na kakusasana omuñwi, mi tumale twani ne tu bizizwe mi twaba teni. Mina kaufela mwa hupula hane liezahalile. Mi, hape, neli fela fahalimwa lilundu fo ne Ni yemi, neli kwani... ni sika kutaza kale Likeleke za Linako Zesupa, ne ni ya kwa ku zuma kakusasa omuñwi li si ka tutumuka kale. Ne ku yemi... Ne ni hupula kuli lizazi ne li pahama, mwendi ka fo kiloko ya kakusasana. Ze sa bangi cwalo; Ne ni boni Liseli lani, mi Na sikuluha, mi fani ne ku yemi Likandela za Gauda Zesupa ne li yemi fahalimwa lilundu fani, mi nambwamutalati na sweli kufita mwahala mipaipi ni mwa sibulukelo sa mafula.

²⁸ Hañihañi kasamulaho wa sani, Mulena Jesu ato iponahaza ku luna. Mi ona fani Na utwa Linzwi lelili, "Yena Jehova wa Testamente ya Kale ki Jesu wa ye Nca." Mi Na yemi ona fani, kasamulaho nyana, apatululwa mwa mulaho wa Likandela za Gauda Zesupa zani. Cwale mulemuhe sani. Ki babakai baba hupula palo yani? Ne ni iñozi kwa buse bwa—bwa ka kwakwati ka—ka kone Ni nani mwa pokoto yaka. "Jehova wa Testamente ya Kale ki Jesu wa ye Nca." Mulimu mwa Lihalimu wa ziba kuli yani neli niti.

²⁹ Hane Ni silile sibaka sani kwa Na iponahalize ku na kasamulaho nyana, ka za tumale.

³⁰ Mi cwale hane Ni bizize mulikana ka yomunde, Jack Moore, likweli ze nyinyani hasamulaho, ku buza; hane Ni kalile ku kutaza Linako za Likeleke Zesupa, Sinulo 1. Mi Na yemi, busweu kaufela; milili ya Hae nei swana sina boyo bwa ngu. Kana Na ka ba cwani cwalo, kanti neli wa myaha ye sate-sili ya kupepwa, mi abe wa limbi toho kaufela? Cwale Muzwale Moore, Mukreste yomunde luli, mwanazwezi, ili mutangana yomunde, ni muituti, alimuñwi wa babande bo Ni ziba; naize kuli, "Muzwale Branham, yani neli Jesu mwa buino bwa Hae hasamulaho wa kufiwa kanya. Cwalo kona Mwa bonahalela cwale." Kono sani ne si sika panga kutwisiso ku na. Mi Na zwelapili ku lapela konji zazi leliñwi...

³¹ Ni si ka kala kale Linako za Likeleke Zesupa, Ne ni sa koni ku tatulula hande kauhanyo ya 1 yani. Kana Mutu ukaba cwani, ka myaha ye sate-sili ya kupepwa, a zuha mwa mibili oswana one ba Mu lemuhile ka ona ba apositola, neba Mu zibile cwalo; mi Na ka ba cwani ya pahami cwalo, mwendi wa lilimo ze eite

kamba ze nainte za kupepwa, ni limbi yemiñata kwa pata ya Hae kaufela, mi mulelu wa Hae ube busweu sina litwa?

³² Ne ni balile mwa Buka ya . . . ya Daniele, fani ha na tile ku “yomuhulu Ya atezwi ki Mazazi, Yo milili ya hae neli ye misweu sina boyo bwa ngu.” Mi se Ni bona Ya atezwi ki Mazazi yani. Nali yena Ya atezwi ki Mazazi, yena ya swana maabani, kacenu, ni kuyakuile. Mwabona, sina ha ne li sisupo, kwani.

Ki kabakalañi haba milili sina boyo bwa ngu? Mi cwale Ni . . . Moya o Kenile no bonahala kubulela ku na ka siswaniso sene Ni boni nako yeñwi, sa muatuli wa kale. Mi ki ha Ni ya kwa litaba za kale; Ne ni kutile mwa litaba za kale za Bibele ni mwa lika kaufela, ku batisisa. Mi baatuli ba kale, sina muprisita yomuhulu mwa Isilaele, nana ni ku apala ze sweu zani, milili ye bonahala limbi ni mulelu, kakuli ze sweu kwa toho ya hae ne bu talusa kuli nali muatuli ya mata amatuna fahalimwa Isilaele.

Mi mane neba kacenu, kamba kwa mulaho ka lilimo ze mwanda ze fitile, kamba mwendi mianda ye mibeli ya lilimo kwa mulaho, kamba mwendi isiñi cwalo, kwa kale kufitelela fani. Baatuli kaufela ba ma English, hakuna taba kamba ne ba li banana cwani kamba ne ba hulile cwani, hane ba ya kwa kuatula, ne ba tinanga kuwani ye sweu; ni ku bonisa kuli hakuna mata amañwi, mwa mubuso wani, fahalimwa linzwi la bona. Linzwi la bona kona la mafelelezo mwa mubuso. Se ba bulela, kona sa mafelelezo.

³³ Mi cwale, he, Ni boni sani. Kwani Na yemi fani, imbo nali Mucaha yomunyinyani, kono ni kuwani ya milili ye misweu. Nali yena mutalelela, wa Mata amatuna. Nali yena Linzwi. Mi Una ni, kutina kuwani ya milili ye misweu.

³⁴ Mi, hasamulaho halu ya mwahala lika, ni mwa—mwa kutazo, ni kuya kwa wiko, mi fani Mangeloi a Mulena hana bonahalile kwani ka Maswayo Asupa, mi aya mwa halimu mwa mbyumbyulu (ili zeo luna ni siswaniso sa teni fa, mane cwalo ni mwa naha kaufela), Na yemi fani, ali ku apala ona mata amatuna ani. Ki yena Toho ya Keleke. Ki yena Toho ya Mubili. Hakuna se si likana ni Yena, kai kaufela. “Uezize lika kaufela ka Yena muñi. Na ezize lika kamukana ka Yena muñi, mi kusina Yena nekusina sika sene sipangilwe.” “Una ni mata kaufela mwa Lihalimu ni mwa lifasi,” mi lika kaufela ki za Hae. “Mi ku Yena kuinzi mutalelela wa Bumulimu ka mubili.” “Mi Linzwi neli Mulimu, mi la eزوا nama mwahala luna.” Mi ki Yena Ya Na patuluzi kunutu kaufela ya mulelo wa puluso, ya zeo kaufela bapolofita ni baana baba butali ne babulezi ka zona. Yena anosi ki Yena yana apezi kuwani ya milili ye misweu ya Mata.

³⁵ Cwale, Ne ni yemi, fahalimwa lilundu kakusasana omuñwi, ne ku bonahala inge kuli nekuna ni tumale tone tucela kwa halimu kwani. Mi Na kala kuina fafasi. Mi Ne nili fela fani fa nako nyana, fani, macacani na ni ngunyuta, mi mutu

yomuñwi yomutuna ataha ni tobolo ya miyengo yemibeli na zamaya mwahala macacani mwani, mi na bonahala ku ni sabisa mwahala musihali. Ki ha ni zwelapili kuya, na kubamafafasi; Ne ni saba ku zamaya, kusaba kuli na ka ni kunupa. Mi macacani na sweli ku nyanganya, kacwalo Na ina fela ka kukuza luli.

³⁶ Kamale ka pahama kuya fa lizulu, mi kiha kunupa miyengo yemibeli ni yena. Mi ki ha ka mbunja, mi kacwalo kamala kani kaya kwa buse bwa lizulu. Na hupula, “Cwale Ni ka ikela; lilata lani kaufela la utwahala. Uzusize malumo mwa tobolo ya hae.”

Mi Na kala ku shetumuka lizulu, mi mutangana wa teni a kunupa kwa pata aka. Se ni kuta kwa neku le *cwana*. Mi Na kala kwa neku le, kuya ka nzila yeñwi, mi tobolo ya bu .22 ya lila, mi malumo na sweli ku zengana fa halimu aka. Se nili, “Kuli, Ni inzi mwa sibaka se si maswe.”

³⁷ Kacwalo Na sikuluha ni kuya ku shetumuka kwa nuka. Mi Na hupula, “Ni ka shetumuka kwanu ni ipate kufitela afele, kona Ni ka shokomoka.” Mi mwa musipili wa kushetumuka cwalo, Ne ni sweli kuhoha... Ngana ya ka nei ya kwa kutalima kwa neku la silyo saka. Mi, hane Ni ezize cwalo, neku na ni kakwakwati ka mukungulu ka kwai kene kasiilwe ki yomuñwifafasi, mwahala ku mata kwa... fani tumale hane tufita mwahala macacani.

³⁸ Mi ki ha Ni nopa kakwakwati ka kwai yeñwi ye, mi ne ka bonahala... Ne ni sika ka nopa; Mu ni swalele. Ne ni ka talimile. Ne ni sika ka nopa, kakuli ha Ni tabeli munko wa lika zani, ka kukala. Mi Na talima kwani, mi ki-ki kampani yeñwi ya kwai Na sepa ha Ni lukeli kubulela libizo la yona, kono muka ziba. Ne kuizwe fani kuli, “Sefa ya mutu ya nahana ni maikuto a mutu ya zuba.”

Na talima fa lika sika sani, mi Na hupula, “Sefa ya mutu ya nahana?” Na hupula, “Haiba mutu wa nahana luli, nasike ku zuba ni hanyinyani. Kana kukona kuba cwani ‘sefa ya mutu ya nahana?’ Mutu ya nahana hakoni ku zuba ni hanyinyani.” Ku lukile.

³⁹ Cwale, Na hupula, “Ki bupumi mañi bwani!” Cwale, tukampani twa kwai twani tulukela kuba twa ma American. Mi oh, kambe lupila kuya ka mulao wa luna, ne lu ka beleka kutusana yomuñwi ni yomuñwi, haiba luna ni maikuto a yomuñwi ni yomuñwi. Mi ha ki buipi ni boo! Libaka le Ni sika bulelela libizo la kampani yani, Ni na ni kubulela lika zeñwi ze maswe ka bona. Mi ki buipi bo bucwani bo mutu akona kuba, fa kupanga masheleñi?

⁴⁰ Mutu ya nahana hakoni ku zuba ni hanyinyani. Kono sicaba sa ma American mo si latela lika zani; ba nahana kuli sani ki sesinde!

⁴¹ Cwale mutualime, ha mukoni, ha mukoni... Mubuze mutu kufela, ba sayansi, muka... Hamukoni kuba ni musili. Haiba

kuna ni tumusi nyana totu tushana, wani ki musili. Mi haiba ha muna musi ni omukana, kihande, hamuna kuba ni musili ni omukana, mi kipeto hakuna ze mu utwa. Musweli fela kuhoha kwa ka kota kaka omile. Kono ibile fela mu sa hoha musi neba hanyinyani, mu sweli kuhoha kansa, nikotini.

⁴² Kambe nemuli ni na ñohola, kamba ñohola tula, Na sepa ki kusona, kwa Kubuha za Lifasi, fani Yul Brynner ni babañwi ba kubona hane bali kwani kwa ku bonahalisa, mi kipeto mu ba bona habanga kwai, kuibeya mwa sika, ni kuihoha mwa kaemba ka licwe. Mi mualafi yani unga bwanda, wa huta fani ni kuzusa nikotini fateni, ni kuibeya fa mukokoto wa peba ye sweu, ni ku ibeya mwa sitantwe. Mi mazazi a sebene kaufela ne ba izuseza kwande. Mi peba yani nei tezi kansa i palelwa ni ku zamaya, kuzwa kwa nikotini ye zwa mwa kwai.

⁴³ Mi ki hali, “Mwa ziba, ba bulela kuli mwa kona ku inga hakuna ni sihamuliso.” Ki hali, “Haukoni kuba ni sihamuliso... Sefa kaufela ye kona kuzusa nikotini, i zusa ni musi kwande,” ali, “kakuli muna ni kuba ni musi... mube ni musili fakuli mupange musi, mi ki musili kona otisa kansa.”

⁴⁴ Mi he ki ha ya, aifutela mwa mezi, mi ali, “Fokuñwi mu nahana kuli mwakona ku ihamula hande.” Ali, “Nako kaufela, sani, hakuna taba kamba mu ifitise mo ku cwani.” Ali, “Ba bulela bali, ‘Ha ni uhohi,’ mi ba pumata mwa hanu ni ku ubuyeleta kwande.” Mi ki hanga sani ni ku si tata, ni ku ibeya mwatasa sika sesiñwi mwani, ni ku bonisa kuli ne isali kansa. Ki sikamañi se mu eza? Musweli fela ku i miza mwa mimizo ya mina. Mwabona? Mi hakuna taba ka se mueza, isali lifu. Mwabona?

⁴⁵ Mi ka ku nahana kuli kampani neika puma mutu ya hulile, kamba kulika kupuma sicaba sa yona. Kuswana sina linoñu leli pila kwa, lika za mufuta wa lona liñi. Kupanga masheleni, kulekisa lifu kwa—kwa naha, ni kwa micaha ya sanana. Ni kuzwela kwande kwani kwa ndwa ku yo ba shwela, mi ni ku fetuha ni ku to lekisa lika ze cwalo, mwatasa ku icanganisa kwa buhata, “Sefa ya mutu ya nahana, kono ki maikuto a mutu ya zuba.” Ulukela kuba ni musi fakuli ube ni maikuto amande. “Maikuto a mutu ya zuba.”

⁴⁶ Kamo batu ba lilatela, niteni! Ba li amuhela. Cwale, ki ku mipuma fela hahulu ni kufita. Mwabona, ki za diabolosi. Ha ba tokomeli bupilo bwa mina. Habana maikuto ka mina. Ba ka mi lekisa lika zani kuli ba mi bone fela ha mu shwa, ibile fela baba ni masheleñi.

⁴⁷ Sina lipolitiki ni lindwa. Na ha ni lumeli mwa lindwa. Ha ni lumeli kuli lu lukela kuba fateni ni ndwa ni hanyinyani.

Ni lumela mwa Mubuso omutuna o Mulimu atisa, ona zwelopili yetuna ye ka taha mwatasa puso ya mata a Hae Kasibili; hakusana ku ba ni ndwa yeñwi ni kamuta. Naha haina

ku nanula masho ku nanulela ba linaha zeñwi. Kukaba fela kozo, kozo ya Kuyakuile.

⁴⁸ Kacwalo mufuta wa zwelopili ye utisa ndwa. Mi ka buñata mo lu fumanela zwelopili, mwataswa se, kona buñata bwa lindwa ze lukaba ni zona. Yomuñwi ulika kuba ya zwezipili hahulu kufita yomuñwi, mi kona mo zwelopili ika tundamena kutisa lindwa. Mwabona?

⁴⁹ Mi mutualime cwana, mwataswa zwelopili ye, kuli mutu wa kona kubeya taba yeswana sina cwalo yani. Mi taba fela ye ezahala, li ka mi puma fela kuli mu leke kwai yeñata. Kakuli haiba mutu wa zuba kwai... Mi Ni lumela kuli ki ya diabulosi, mi kuna ni diabulosi wa nikotini ku mutu mi, kamba ku musali. Mi haiba mushanga ulimuñwi uka kulisa diabulosi wa nikotini yani kufitela ami siya fani ni kutuhela ku mi kataza, ka kwai iliñwi. Mi kipeto munga sefa, mutuhele fela kuli musi olikani nyana uftite mwani mwa nikotini yani, kamba siemba nyana sa nikotini yani i kene mwani, konakuli ku ka tokwahala mishanga ye milalu kuli mufeze linyolwa lani, mi mu ka zubanga ye milalu ku ulimuñwi.

⁵⁰ Mwabona, ki mukwa fela—fela wa teni, ki buhata, mukwa wa kulika ku lekisa kwai. Bakona ku lekisa ka buñata hahulu ka nzila yani kufita mutu hana ka zuba fela kwai mwa pipi ya hae kamba mwa mushanga wa hae. Cwale, mwabona, ki za diabulosi.

⁵¹ Sina hane Ni yemi fani ni kutilima fateni, ni ku nahana mo ne ibezi taba ya buhata, puzo se i taha ku na. Mi Na kuta mwa mulaho, na talima fa kakwakwati hape, mi Na... ne ku bonahala inge kuli sesiñwi ne si ambola ku na kuli, "Kono haili mubulelelo u lukile, 'sefa ya mutu ya nahana, ni maikuto a mutu ya zuba.'" Ne si tile ku na bupumi bwani, hape, mwa buino bwa za butu mwani mwa kwai, kuna ni sesiñwi mwa mufuta wa likeleke kacenu, mwabona, bupumi.

⁵² Li fitile fakuli konji lifasi kaufela ha likeni mwa bupumi bwa sesili sa niti ni se si lukile. Mwabona, neba mwa lipolitiki, ni mwa litaba za buino, mwa sikolo, mwa lika kaufela, se libile bupumi.

⁵³ Mutangana yomuñwi na ni bulelela zazi leliñwi kuli naile kwa mafulo a mpi ya masole, mi musole yomunyinyani na mata inza tula mungomo; maswafu a hae, mba ya hae, kamba seo kaufela nesili sona, sa panca. Mi se baya kwa sipatela; ne ba nani baalafi babalalu kamba ba bane bene ba yemi kwani mwa mulaini, mi mutu kaufela inza yemi fani. Mi masole bababeli kamba babalalu inge ba nanuzi mushimani wa bona mwa halimu, mi yena na palelwa ku buyela... Nako kaufela ya na bata ku buyela, likupo lani ne li tabanga kwa maswafu a hae, mi sani ne si mutiseza mali ku lota mwahali. Mi ba yemisa mushimani yani mwa mukoloko wani, kwa mulaho wa mulaini wani, bali ku ba tuhela, babañwi ba mitangana bani kusina

butata hahulu kono mwendi neli kukula fela zebe kamba zeñwi, baba laka kwa pata.

⁵⁴ Mi ona fani fela ki ha nanuha, kapitao yomuñwi ataha ni mwana yomunyinyani yana na ni kututuluka fa mubili, mushimani wa hae kamba musizana yana na ni kututuluka fa lizoho la hae. Mi ba tuhelisa mukoloko wani, kukenisa mwana ndate tuna wa kapitao yani mwahali, mi mushimani yani a luluha, inza shwa. Ki fohe cwale.

⁵⁵ Oh, haiba kapitao yani nana ni maikuto a makeke a niti ka muzwale wa hae mwa mukoloko, na ka bulela kuli, “Mushimani yo wa kona kulitela. Mutise muuna yani kwanu kapili, mu mueze sesiñwi ka yena!”

⁵⁶ Kono muuna kaufela ubata ku bonisa mata a hae. Cwale, kaufela bona ha ba yo cwalo; batili, kaufela bona ha ba yo cwalo. Kono ku nani babañata baba cwalo. Kuna ni babañata baba cwalo. Kono haili muuna yani, taba fela yana sweli ku nahana fateni, neli mushimani wa hae yo munyinyani yana tutulukile fa lizoho la hae, mi kusina ku nahana ka za mushimani yani yana yemi fani bakeñisa ku pyatiwa ki mungomo, ona mungomo oswana mwendi mushimani ya swana na ka yo pilisa bupilo bwa hae zazi leliñwi mwa libaka za ndwa. Mwabona, haba tuheli ku nahana kuli; konji za luna fela.

“Sefa ya mutu ya nahana.”

⁵⁷ Na talima fa teni, mi Na nahana, “Ki taba yeñwi yeswana sina—sina likopano za kacenu, zona likeleke ze luna ni.” Yeñwi ni yeñwi ya zona ina ni sefa ya yona; bana ni mufuta wa sefa ya bona bañi. Ba lumeleza kaufela ze bata kukena mwahali, ni ze sa lukeli kukena mwateni; se ba kenya mwahali ni se ba kasheza kwande, ka mufuta wa sefa ya bona. Ba tuheleta hahulu lifasi kukena mwateni ili kutabisa baba sa lumeli baba liteni mwani. Baka ba kenya mwateni hakuna taba kamba ki baba cwani, haiba bana ni masheleñi. Baka ba kenya mwateni hakuna taba kamba ba cwani, haiba bana ni kabubo.

Kono ku nani sesiñwi ka sona, hamukoni kukena mwa Keleke ya Mulimu ka mukwa oewalo; isiñi ka kopano cwale, Ni talusa Keleke ya niti, ya luli ya Mulimu.

⁵⁸ Sina ma kampani a kwai a kacenu, batu baba tahanga kwa likeleke ze kamba likopano, bana ni maikuto, mi maikuto ani ki amande a lifasi. Mi kopano kaufela ina ni sefa ya yona, mi ba sefela kwande Bakreste ba niti kaufela baba ka bulela kuli “amen” ha na kutaza; mi ba kenya mwateni kaufela baba kutanga milili, bo Jezabele baba ipetile kwa lifateho baba liteni mwa naha, ibile fela bana ni kabubo. “*Wakuli-ni-kuli* utahanga kwa...sikwala kwa mafilimu, mutu yomutuna.” Wani kona mufuta wa sefa ye ba itusisa. “Kopano yaluna. *Wakuli-ni-kuli*, ni mutompehi, kamba yena—yena kapitao, kamba yomuñwi ya

li wa kopano ya luna.” Mubone kuli ki mufuta mañi wa sefa ye ba itusisa? Sefa yani, ka niti, ki za lifasi, batu ba lifasi.

⁵⁹ Sicaba, ba ziba se ba bata. Kacwalo haba ka fumana se ba bata, konakuli baka ba ni mufuta wa sefa ye cwalo, ni zeñata za kubulela za lifasi, ili kutabisa maikuto a bona a lifasi. “Sefa ya mutu ya nahana, maikuto a mutu ya zuba.” Sefa ya lifasi la bulapeli, ni maikuto a mutu wa bu lifasi.

⁶⁰ Ba bata kuba ba bulapeli. Ba hupula kuli balukela kuba ba bulapeli, kakuli bana ni moyo.

⁶¹ Hane lutile lwapili mwa naha ye, ne mu fumani ma Indian inge ba lapela lizazi ni zeñwi cwalo, kakuli (kiñi?) yani ki mutu. Ha luya mwa mishitu ya Africa, lu fumana bañi ba naha inge ba lapela lika zeñwi. Kiñi? Ni bona ki batu, mi ba bata, ba swanela ku lapela.

⁶² Kacwalo haili mutu, hakuna taba kamba uwile cwani, wa ziba kuli ku na ni sesiñwi kokuñwi. Kono una ni maikuto a lifasi, kuli hakoni ku i kungela sefa ye lukile. Una ni kuba ni sefa ya ipangezi anosi. Mutu ni mutu upanga sefa ya mufuta wa hae.

⁶³ Kampani ya kwai ifi ni ifi kaufela ya ikuhumusa ka za yona, se ba kona kueza, “Sefa ya luli! Ye kona sefa yende kufitisisa! Lika kaufela kwa makalelo!” ni zeñwi kaufela cwalo. Bali, “Maikuto ataha,” kamba sesiñwi, “kuzwa fela makalelo.” Oh, ka mukwa wa zende. “Kwa makalelo”? Ki sikamañi se sili kwa mafelelezo a zona, niteni? Na sepa ha ki muuna ya nahana kamba musali ya nahana. Kono sani kona se ba bulela, ili fela kupuma sicaba.

⁶⁴ Cwale lu fumana cwana, ka lizazi la luna, kuli batu bana ni maikuto. Mi kiñi mutu ha ka zuba kwai? Ki ku kuyula mambengo. Kana musali ki sikamañi sa zubelanga kwai? Ki ku kuyula mambengo.

⁶⁵ Mi haiba keleke i nahanile hande, sikhata sa bulapeli, sika...nga batu kuli bakeni mwani, bana ni kuba ni mufuta omuñwi wa sefa ya kufa kwa batu maikuto o ba bata. Kacwalo haba sa utwi maikuto afi kaufela o ba bata, haba lati kwai. Mi haiba ha ba na kuutwa maikuto o ba bata mwa bulapeli, ha bana kuamuhela bulapeli. Cwale, ka patalaza mo sikona kubela.

⁶⁶ Basali ni tuputula, milili ye kutilwe, lifateho ze pentilwe, kutina ka mukwa wa mapunu, ba litabela zani. Ba lata zani.

⁶⁷ Sina hane Ni bulela kakusasana wo ni la Sunda yefelile kakusasana, ka za liwili lani mwahala liwili, kamba moyo o munyinyani wani mwahala moyo. Kuli ona moyo oli kwande, mwahala moyo ni mubili, wa kona kuba o tozwa ka niti ka Moya o Kenile. Kana kaufela muutwisisize sani? [Puteho ili, “Amen.”—Mu.]

⁶⁸ Cwale ka kulatelela sani ka kuzwelapili mwa Liñusa, *Mulimu Wa Lizazi Le, Batoziwa Ba Mwa Mazazi A Mafelelezo.*

Sani kwande, sikwenda sa mwahali sani... Sikwenda sapili kiki minahano ya butu. Sikwenda sa bubeli ki maikuto a moyo; tato, tato ya butu, takazo, ni zeñwi cwalo. Kono sa mwahali ki moyo; moyo wani kona o no lemuhilwe isali kwa makalo.

Kacwalo, ya kona ku toza moyo oli mwahali kupanga mubili wa kwande kuli utahe mwa tamaiso ya likute ka moyo. "Kono ona moyo o eza sibi, moyo wani kona o ka shwa." Moya o hana, mwa kusa lumela, Linzwi la Mulimu, seo ili siemba sa ona, moyo wani kaniti Kuyakuile... uewalo, kamita.

⁶⁹ Na lumela mwa lifu la Kuyakuile, ona cwalo fela sina ha Ni lumela mwa Lihalimu la Kuyakuile, kono isiñi za kuli lihele la Kuyakuile. Hakuna sika se si cwalo kuli lihele la Kuyakuile. Kuna ni lifu la Kuyakuile kwa batu baba... Buñata bwa bona, bulapeli, mwa lifasi kacenu, kamita bubile bu shwile.

⁷⁰ "Musali ya pila mwa minyaka," ni milili ya hae ye kutilwe ni sifateho se sipentilwe, "u shwile inza pila." Ki Bibele ye bulezi cwalo. Mwabona? Mwabona, wa kona kuba wa bulapeli, kono kanti na sika piliswa. Una ni maikuto a kwande. Wa kona kuba yaopelanga mwa kwaya, kamba wa kona kubina mwa Moya, wa kona kubulela ka malimi, ni kuba ni liponahazo kaufela za Moya. Kono kwanda kuli moyo wani oli mwahali abe mwana wa musizana wa Mulimu, mwabona, kipeto uicongile, hakuna taba kamba ueza sikamañi.

⁷¹ Isilaele nali wa moya kwande kaufela, kaufela batezi bunde bwa Mulimu, ni mo ne ba kutekela Mulimu, ni zeñwi cwalo, kono zani ne li sika beleka. Za mwahali ku zona ne li sa koni kulemuha Linzwi Kasibili.

⁷² Kono ha mupepilwe ka Moya wa Mulimu, konakuli muna ni... uba mwana mushimani wa Mulimu, mi kamita mubile mwana wa mushimani wa Mulimu, mi kamita mu ka bangaa mwana wa Mulimu wa mushimani. Hakuna mukwa wa kuli kauhanya ka ona, kakuli ki... muna ni Bupilo bwa Kuyakuile. Mi Kuyakuile ne ku sika kala; kamba nihaiba kufela.

⁷³ Oh, ka muhau wa Mulimu, kuli Uka lu fa kutwisiso ya likunutu zetuna! Sina Paulusi hana bulezi fa, ku ya cwalo mwa Maefese, ubulela ka muuna ni musala hae, mi uli, "Ye ki kunutu," ka mo basali balukela kubela ni likute kwa baana ba bona. Neba mwa sibaka sa bubeli, Na lumela ku cwalo, Bibele ka kutala, likute lani ne li bulezwi kamita. Kuli, "Basali, ka kubona kuli wa fa likute bo muuna hae, kukuteka bo muuna hae." Konakuli muuna hae ulukela kupila bupilo fapila musala hae kuli musali amufe likute kakuba mwana mucaha wa Mulimu. Mi haiba ha pili mufuta wa bupilo bwani, kihande, konakuli, kakuli, hana ku mufa likute, kakuli musali wa ziba sa pangilwe ku sona. Kono haiba ki muuna kuli wa kuli ki wa likute, likute ni kukena, ni musala hae mi fapila lubasi, mutanga wa niti

wa Mulimu, konakuli basali, bana, ni bao kaufela, balukela kukuteka mutanga wa Mulimu yani, ka likute.

⁷⁴ Mulemuhe cwale. Musali, ba bata kuba ni milili ye kukuzwi. Ba bata kutina tuputula, mipende, kutola mipende. Ona tunekunda totunyinyani to ba—to ba tinanga mazazi a, ba bata ku eza ona cwalo; mi niteni ba bata kuya kwa keleke. Mwa bona tozo yani fahalimwa moyo, isiñi fahalimwa moyo. Mwabona?

⁷⁵ Bali, ba bata kuba Bakreste mi hape baeze lika ze, mi mulisana ubulela kuli ku likani. Mi haiba ubulela kuli ku lukile, “Wa kona kuba membala; libizo la hao lakona kuba mwa buka ya keleke yaka; ku likani,” konakuli umufa sefa ya kopano ya hae kuli i swane ni maikuto a musali wa si lifasi. U lata lifasi; wa tabelia mo liutwahalela. Kacwalo una ni sefa ya hae, kono u kwahule hahulu ni kuba musali ya nahana. Kono ki fo he cwale. Kona ko Ni fumani toho ya taba ye.

⁷⁶ Batili, ya cwalo haki—haki musali ya nahana. Kambe nali ya nahana, na ka ziba kuli keleke haina ku yo mu atula ka Lizazi la mafelelezo. Keleke ya mu atula cwale ka bu membala bwa hae, maoyo a hae kwa tukwata twa hae ko afumaneha ni tutengo. Ba mu atula cwale ka sani. Kono Mulimu uka mu atula ka Lizazi la mafelelezo. Kacwalo ha nahani.

⁷⁷ Kuswana fela sina musali ya zuba; ulata hahulu mishanga ya hae kufitela misinga ya minahano ya hae itibana bakeñisa musili wa nikotini. Mi litakazo za musali litibanisize misinga ya minahano ya hae kufitela ha ka eza lika ze maswe mwa meto a Mulena, kakuli ubata kueza cwalo; likona ku kulisa takazo ya musali wa si lifasi. Kacwalo uikungela sefa ya keleke ya lifasi; uya hande kufita ku zona, hande, hakuna za ku bilaela. Ku bonisa . . .

⁷⁸ Cwale lubona fani kuli yani kona Niti. Mi mulisana ubulela kuli, “Sani si lukile. Ha lu nyazi basali ka kueza cwalo. Ku lukile.” Kuna ni sibi sesiñata ku zona; sani si fita mwa sefa ya hae. Ku bonisa kuli ne bakeni mwa sefa ya sikolo sa lituto za bumulimu. Mi bana ni maikuto a sikolo sa za bumulimu; mi ba bile ni maikuto a sikolo sa za bumulimu. Kono za li kuba likene mwa Sefa ya Mulimu. Batili, sha.

⁷⁹ Cwale, haiba kuna ni sefa ya sikolo sa za bumulimu ya mutu ya nahana sina sikolo sa lituto za bumulimu, mi kuna ni sefa ya keleke ya mutu ya nahana sina keleke, sefa ya kwai ku mutu ya nahana sina kwai, ku lukela kuba sefa ya luli kokuñwi ku mutu ya nahana luli. Mi ni Mulimu una ni Sefa, mi yani ki Linzwi la Hae. Ki kauhano, kakuli Ki mezi a kauhano kwa sibi. Cwale, yani ki mutu ya nahana kamba maikuto a mutu ya kenile.

⁸⁰ Mi haiba mutu ukena mwahala sefa ya lifasi ye cwana, una—una ni maikuto a lifasi. Mi sina kampani ya kwai, uka ikungela mamembala ba bañata mwa keleke ya hae ka kuba kasheza kufita mwahala sefa ye. Haiba ba bulela kuli, “Kuna ni basali

babañata hahulu ba baya kwa keleke kufita baana.” Sani sakona kuba cwalo. Cwale, sani sakona kuba sa niti hape ni sona, haiba musali ukaya ku yo eza sika kaufela sa bata kueza. Yani ki niti. Uka eza, uka ikopanya kwa sika kaufela, kono na fitile mwahala sefa ya keleke yani. Kambe na fitile ka Sefa ya Mulimu, na ka zwa mwani ali ya shutana. Mwabona? Na si ke kufita mwahala Sefa ya Mulimu ni kuzwa ali kukuta milili ya hae. Hakoni fela kueza sani.

⁸¹ Cwale se sikaba se—se buhali nyana mwendi ku yomuñwi. Kono ha na kalile kuya ka Sefa ya Mulimu, mi Ibulela mwahali mwani kuli basike ba kutanga milili ya bona, konakuli (ki sikamañi?) uwela kwa neku leliñwi. Haiba I bulezi kuli ki sibi kuli musali asike aeza ze cwalo, mi wa shubula ha eza cwalo.

“Haiba alata kueza cwalo,” ubulela kuli, “kihande, musali akute milili ya hae.”

Uli, kanti, “Ha i kute kaufela he.” Mi ili, “Lu ziba kuli ki maswabiswa kuli musali abe ni toho ye kukuzwi milili.” Ali, “Konakuli abe ni sa ku apesa kwa toho.” Mi milili ya hae kona siapalo sa hae; isiñi kuwaní, kalibe. Milili ya hae kona siapalo sa hae, ki Bibebe ye bulezi. Kulukile. Ku bonisa kuli ki Munazareni ku Mulena. Milili yemitelele, ku musali, italusa Munazareni ku Mulena. Cwale, lufumana kuli yani ki niti.

⁸² Kono lufumana kuli haiba muuna ya nahana, kuya ka mwa bizezwa mwa lifasi, wa kona kuzuba ni ku ikutwa hande, una ni kuba ni ngana luli ya kuziba kuli usweli kunga musili wa tala mwa kwai. Kono fela, se si ezahala, ki ku mu lekisa ka buñata, ku mueza kuli alekange ka buñata.

⁸³ Mi sefa ya keleke ikungela ma membala ni lika ze cwalo ha ba tuhelela sicaba kuya cwalo ka lika kaufela mi ni kuzwelapili kuba liemba za keleke, bakona kuba ni mamembala babañata. Kucwani he hane lu kaya kwa likeleke busihu bwa kacenu batu kaufela kwande a bani bene bali Bakreste baba pepilwe ka Linzwi la niti. Neku kaba likutazo zeñata ze sina manzwi fa limota busihu bo, ki niti, kakuli ne li fitile mwa Sefa.

⁸⁴ Mi haiba Ni na ni takazo yeñwi mwa pilu yaka, mi Ni sepa kuli mutu kaufela ya ni teezeza una ni taba ye swana, “Mulimu, aku ni kenyé nifite mwa Sefa ya Hao.” Sina Davida hana ize, “Uni like, mi uni tatube, mi ubone haiba kuna ni bumaswe ku na, mi kipeto ubu zuse kuna, Mulena.” Mwabona? Ni bata Sefa ya Mulimu. Hanina taba ka seo lifasi lieza, seo keleke i nani; Ni bata kuba mutu ya nahana, ku nahana Yo Ni ka yo yema bukaufi ni yena leliñwi la mazazi a, fa Katulo.

⁸⁵ Mulemuhe, kampani ya kwai ina ni kueza cwalo ka ku lekisa kwai yeñata; keleke ieza cwalo ka kuba ni mamembala ba ñata. Musali wa milili ye mikuswani, yatina tuputula, wa kona kuswaseha mwa Sefa ya Mulimu. Hakoni kufita ku Yona, ni milili ye mikuswani, kakuli Bibebe i bulezi kuli halukeli kueza

cwalo. U shubula toho ya hae ha eza cwalo. Lu lukela ku ziba sani. Kono yena ukena hande mwa keleke kusina butata, ni babañwi kaufela. Na yemanga fokuñwi . . .

⁸⁶ Hani nyazi ufi kaufela; Hani buleli kuama mutu ufi kaufela, kono ki sibi mwa keleke. Mu ni utwisise ka seo. Ha ni si ka bulela kuli, “Musali *Wakuli-ni-kuli u cwana-ni cwana*, kamba Muuna *Wakuli-ni-kuli*, kamba Mukutazi *Wakuli-ni-kuli u cwana-ni-cwana*.” Batili, sha. Ni bulela kuli sibi ki sibi. Haiba si mwa lubasi lwa ka, si ku na, si ku mutu kaufela, isali sibi niteñi. Isi kakuba mutu anosi, ha Ni buleli kulwanisa mutu anosi. Ni bulela kulwanisa sibi. Hanina taba kamba si kuna kamba ku mañi kaufela, kukalela mwa Sefa ya Mulimu, sibi kaufela sika mi paleliswa ona fani.

⁸⁷ Mulemuhe. Kono musali ya bata kuba ni milili ye mikuswani ni kutina tuputula, kamba ku i toza mipende ni lika kaufela, wa kona kufita mwahala sefa ya Mapentekota ka bunolo fela sina situnula sa nama, hakuna bumaswe ka sona, ukena mwa lifu. Kakuli, yena ki . . . Musali uli, “Kihande, hakuna bumaswe mwa lika zani.”

“Haiba ulata lifasi kamba ika za lifasi, taba ki kuli lilato la Mulimu haliyo mane ni ku wena.”

⁸⁸ Kutaha cwalo mwa moyo wo, he, wa kona kuhohela mwa moyo wa hae, lika ze si za Mulimu mi ni kulwanisa Linzwi la Mulimu, haiba ani kona maikuto mwa moyo. Likona kufitela mwa maikuto; *kubona, kulwaza . . .* Likona kufitela mwa ku *nahana*, ka ku *nahaniseza*, “Hakuna bumaswe ku zona. Ni na ni maikuto. Ni na ni makuto a mubili. Ni na ni ku ikutwa kuli se si lukile.” Musali wa kona kutaha ka ku shetumuka cwalo, ni kukena mwa moyo wa hae, haiba moyo wa hae ki wa mufuta wani. Ku bonisa kuli hafiti mwa Sefa ya Mulimu.

Kono haiba una ni milili ye kutilwe, kutola mipende, tuputula, tunekunda, to tubonahala inge twa siina, tunolobaki to kaufela kamba ba tubiza cwani; kubulela lika ze cwalo zani, ni kueza lika zani, ni ku pilela lifasi, uka tuhela; hakoni kukena Mwani. Batili, sha. Ika mu tuhelisa isali kwa makalelo.

⁸⁹ Mulemuhe, muuna ha talima fa milomo ya hande ye mifubelu yende ni sifateho se si pentilwe, ni tuputula ni—ni tunekunda, ni seo kaufela anani; muuna ya nahana hande hana ku mutualima. Cwale, muuna yali membala wa keleke uka mu talima, ku mu lakaza. Kono ha Ni na taba ka mwa bonahalela mwa meto, muuna ya nahana uka sikulula toho ya hae. Kiñi? Ufitile mwa Sefa ya Mulimu, mi wa ziba kuli ku mutualima ki bubuki mwa pilu ya hae. Yena ha nahani kuli ki yomunde.

Kuli, “Kikuli ha ki naluboyoyo nji!”

Batili ku yena ha yo cwalo. Ki ya bonahala fela masila, Jezabele ya zielehile mukunyandela, ku muuna ya nahana. Mwana mushimani wa Mulimu uka mutualima ka maswabi kuli

mane afumanehe kwa lubasi lo ni yena afumaneha. Yani ki niti.
“Kana yani ukona kuba cwani kezela ka mi aeze sina cwalo?”

⁹⁰ Mwabona, na kenezi mwahala sefa yeñwi, mi ni yena ufitile ku isili. Hana ku nahana kuli ki yomunde, batili ha ku cwalo. Bwani ha ki bunde ku muuna wa luli wa Mulimu.

⁹¹ Muhupule, nako yeñwi pili Mali a Jesu Kreste asika ba kale Sefa, sina ha luka kena ku zona ka mizuzu ye likani, “Bana ba bashimani ba Mulimu ne ba talimile bana ba basizana ba batu, kuli neli ba bande, mi ba ikungela bona kuba basali.” Mulimu na si kabe aba swalela ka sona. Hape sa to ezahala, mwa muzamao wa ma Isilaele, mi Mulimu na si ka ba swalela. Yomuñwi ni yomuñwi wa bona ne ba yundile.

Sefa ya mutu ya nahana!

Ni zwile mwa mukopano kwanu; nekuna ni alimumu wa ba ricky yana yemi kwanu kwa mulaho wa keleke busihu bo buñwi, ali kuna, mwendi seli lilimo zetalu kamba zene ze fitile, naize, “Libaka lo bulelela cwalo, kikuli u muuna ya hulile.” Ali, “Na sepa ba bonahalanga hande.”

Se nili, “Na kona ku nahana cwalo.” Kuya fela ka mwa na bonahalela, mwakona kubulela mwana bonahalela. Se nili, “Tuhela ni ku bulelele taba yeñwi. Una ni lilimo zekai?”

“Wa lilimo ze kona kulinaka ni mashumi amalalu.”

⁹² Se nili, “Hane Nili wa lilimo ze fifitini kufita mwanana ku wena, Ne ni hupula taba yeswana.” Kulukile. Mi isali masila!

⁹³ Sefa ya mutu ya nahana! Cwale mulemuhe, haiba ubile cwalo, muhupulo wa hae ha u sefilwe mwa Linzwi la Mulimu, Sefa ya Mulimu, hakoni ku mu talima. Hana ku nahana kuli ki yomunde; uka nahana kuli ki Jezabele. Uka nahana, mwa mulaho wa milomo ye mifubelu yani kuna ni mabeela a paizoni ya noha akona ku muluma. Mi Bibele i bulezi kuli, “Minyako ya hae ki minyako ya lihele; mi muuna ukena ku yona sina pulu ye ya kwa silaha.” Yani kona Sefa ya mutu ya nahana.

⁹⁴ Ki sikamañi se mu lakaza? Fani musali ha taha mwa mukwakwa atinile ze cwalo, mi wena muuna usikulula toho ya hao, wa itemuna kwa mulaho cwalo, ha uitusisi Sefa ya mutu ya nahana. Kakuli, ha u eza cwalo, u eza boozwa, kakuli Sefa i bulezi kuli, “Yo kaufela ya talima musali ka ku mu lakaza sa mu bukile kale.” Sikulula toho ya hao, wena muuna ya nahana. Saba ku yena. Ha ki yomunde. Ki noha fela; yani ki niti, uminyauka sina iliñwi ya zona, ueza sina yeñwi ya zona, wa luma yeñwi ya zona. Zamaela kwahule ni yena.

⁹⁵ Oh, eeni, Linzwi la Mulimu kona Sefa ya mutu ya nahana. Mutu kaufela wa ziba cwalo. Sani kona seo moyo wa hao usefiwa ka sona, ili Linzwi la Mulimu. Mi La eza, ha mu taha ka Mulimu . . . Fani mutu ya nahana ha taha ka Sefa ya Mulimu, si ka mufa maikuto a mutu ya kenile. Yani ki niti. Ha mu taha ka

Sefa ya Mulimu, konakuli fohe kipeto maikuto a mina ki a mutu ya kenile. Si panga maikuto a mutu ya lukile. Konakuli pulelo fohe i lukile.

⁹⁶ Cwale lu fumana se mo ne si ezahalezi mwa mufuta, mwa Isilaele, kwa kopano ya Isilaele fela. Lani kona libaka, kubulela se cwale, haiba nji bakutazi ba hanyeza ka sika kaufela se si bulezwi; se ki sa kopano ya ka yeo Mulena ani file kuli—kuli ni kutaze teni.

⁹⁷ Mulemuhe mwa Exoda 19, Ni bata kuli mu i bale ha mu ka ba mwa mandu amina, ha mu kaba ni nako yeñata. Mulemuhe, fani ma Isilaele hane ba ezize sibi, pili neba shimbanga sitole se si fubelu sene ba si ka beya kale coko fa ngele. Ki katalusa kuli ne sisikabe si beleka fateni kwa coko ya sika kaufela.

⁹⁸ Mi ne ina ni kuba sitole se si fubelu. Mubala wa bu fubelu ki ku yemela mubala wa swa—swalelo. Mwa ziba, sayansi ya ziba kuli ha mu nga bu fubelu ni katalimana ni bu fubelu, kukena mwa bu fubelu, ki busweu. Katalima mwahala bu fubelu, fo ku fubelu, kuba busweu. U talima kufitela mwa Mali amafubelu a Mulena Jesu, mi libi za luna ze fubelu lifetuha busweu sina litwa; bu fubelu mwa bu fubelu.

Mi sitole ne si bulaiwa mwa manzibwana, ka kopano ya Isilaele kaufela.

Mi ne ku sasiwanga ha supile mali a yona fa minyako fo ne ku kenela kopano kaufela; mufuta wa Likeleke za Linako Zesupa, ka Mali.

⁹⁹ Mi cwale mubili wa yona no cisiwanga. Ne u cisiwanga ni litaku, ni litalo, ni mala, ni musutelo. Lik a kaufela ne li cisiwanga, hamoho.

Mi ne li olelwa ki muuna ya kenile, ni ku shukuelwa mwa sibaka se si kenile kwande a kopano. Kabakaleo, kamba Isilaele naka bona fela mufuta! Linzwi la Mulimu le ha li lukeli ku swaliwa ka mazoho a masila a ku sa lumela. I lukela ku ba muuna ya kenile. Mi haiba u kenile, na nani ku taha ka Sefa ya Mulimu.

Muuna ya kenile, mazoho a kenile, mi ne lina ni ku bulukiwa mwa sibaka se si kenile; isiñi sibaka sa bo Jezabele, ni ma Ricky, ni lika zeñwi kaufela za ku icela; kuca mulalelo ni zeñwi, ha ba mata mata ni basali, ni baana, ni mifuta kaufela ye masila; kuya kwa kubina ni mikiti, ni ku apala milili ya kukuta, ni tuputula, ni lika zeñwi kaufela, ni kuipiza ilibona kuba Bakreste. Li lukela ku bulukiwa mwa sibaka se si kenile, ni kuswaliwa ka mazoho a kenile.

¹⁰⁰ Mi cwale fani Isilaele hana fosize, ni ku lemuha kuli ne ba ezize mafosisa, kipeto ne ba hasakiwa ka mulola wa sitole se, fahalimwa bona. Mi ani neli mezi a kauhano, ili ku keniswa ka libi.

¹⁰¹ Mulemuhe. Ki ye fa! Mi cwale Isilaele, ba si ka taha kale mwa sebelezo mwa milapelo, ne ba na ni kufita mwa mezi a kauhano. “Kutapiswa ka tumelo; kutaha ka kuutwa, kuutwa Linzwi.”

Mi ne kenanga mwa kopano mwatasa ku hasakiwa ha supile kwani, mali, ku bonisa kuli sesiñwi ne si shwile ni kuya fa pata a bona, ka libi za bona. Ne ba kauhanyiwa ka Linzwi, mezi a kauhano, mi kipeto ba kena mwa sebelezo.

¹⁰² Sibaka fela si nosi seo Mulimu na kopana ni mutu neli mwa mulaho wa swanelo yani. Na si ke ku mu katanyeza kwa sibaka sifi kaufela. Na nani kutaha mwa mulaho wa swanelo yani. Mulimu na kopanga fela ni Isilaele mwa sibaka silisiñwi.

Mi Mulimu uka kopana ni wena kacenu mwa sibaka silisiñwi, mi sani ki ku Jesu Kreste; mi ki Yena Linzwi, mezi a kauhano. Mi Mali a Hae na suluhezi Linako za Likeleke Zesupa. Mi he, ka Moya o Kenile, lukena mwa sebelezo yani, ye filwe fela kwa Keleke. Oh, ka mo Abezi yomutuna!

¹⁰³ Hape, cwale, lu bata kutilima mwa Maefese 5:26, iize kuli, “Ki kutapiswa ka mezi a Linzwi,” mezi a kauhano. Ki sikamañi Sa ezanga? Konakuli, Sefa ya Mulimu kona Linzwi. Mezi a kauhano, “kutapiswa ka mezi, a kauhano, ka Linzwi,” Sefa ya Mulimu.

¹⁰⁴ Konakuli, haukoni kutaha ku Kreste ka sefa ya keleke. Haukoni kutaha ka sefa ya kopano kamba sefa ya lituto za litumelo. Kuna ni fela Sefa iliñwi, ye mu lukela kukena ka yona mwa sibaka se si kenile sani, yani ki kuya ka “kutapiswa kwa mezi a Linzwi.” Linzwi la Mulimu kona Sefa ya mutu ya nahana.

¹⁰⁵ Keleke ika u atula fa haiba u membala yomunde, kamba kutokwa. Ba ka kufa kepelo yende, ni ku fufiseza licika lindembela fa lifu la hao, kuluma bikocela bya lipalisa ni—ni kuku ezeza lika kaufela. Kono ha li fita fakuli moyo wa hao utalimane ni Mulimu, ulukela kuba ni Bupilo Bobusafeli. Mi haiba ki Bupilo Bobusafeli, ki siemba sa Linzwi. Mi sina linzwi laka ha li sa koni ku latula . . .

Lizoho laka halikoni ku latula lizoho laka. Meto aka hakoni ku latula lizoho laka, kamba liutu laka, kamba munwana wa kwa liutu, kamba siemba saka kaufela. Halikoni ku u latula.

Mi neba muuna hakoni ku latula siemba sa Linzwi la Mulimu, kamba musali, ku latula siemba silisiñwi sa Linzwi la Mulimu. Mi, basali, ha mu hupula mwa kona kuba ni milili ye kukuzwi ni kutaha fa Pila Mulimu, mu fosize. Mwa bona nji? Mu fosize; hamukoni kutaha ka Sefa ya Mulimu ko mutapiswa ka mezi a Linzwi. Mi kipeto mukene mwa sebelezo. Munahana kuli mu cwalo, kono hamukoni konji ha mu taha ka Linzwi, ni siemba se si nyinyani kaufela, Linzwi lelinyinyani kaufela la Mulimu. “Mutu hana kupila ka buhobe fela, kono ka Linzwi kaufela.” Lina ni kutaha ka kufitela mwa sihamuliso, kutaha cwalo. Mi

sani sifa mutu ya lukile maikuto, kakuli sani kona sa libelezi, ku libelela sesiñwi sa ku mu kenisa.

¹⁰⁶ Linzwi, ona Linzwi la Mulimu kona Sefa ya mutu ya nahana, mi Ipanga maikuto a mutu ya lukile. Lwa ziba kuli yani ki niti; isefa sibi kaufela sa ku sa lumela. Hakusana ku sa lumela ha utaha ka Sefa ya teni, kakuli ki maikuto a niti a mulumeli.

¹⁰⁷ Mulumeli wa niti ubata kuli abe hande, hakuna mukwa. Fela ha lati kubulela kuli, “Kihande, Ni wa siemba sa mayemo a sicaba. Ni wa siemba sa keleke, keleke yetuna kufitisa mwa tolopo.” Halina taba kamba ki tumo kwa neku leliñwi, haiba ki mukopano wa sikundi, kokuñwi, muuna ya nahana wa ziba kuli una ni ku kopana ni Mulimu. Mi hakuna taba ka se ibulela keleke, kamba mutu yomuñwi kaufela sa bulela, una ni kutaha ka likatulo za Mulimu. Mi likatulo za Mulimu ki Linzwi la Mulimu.

“Kihande,” ba bulela kuli, “Linzwi la Mulimu.”

Luli, kaufela bona balumela kuli Ki Linzwi la Mulimu, kono kana mwakona ku sefiwa ka Lona? Kana mu ka lumeleza cwani musali ya kutile milili ya hae kuli afite ku Zani? Kana mu ka eza cwani zani? Kana mu ka tuhelela cwani mutu kukena Mwani yasike ku yemela Tuto ye? Mwabona?

Ha ki maikuto a mutu ya nahana. Batili. Mutu ya nahana uka nahana, mutu ya nahana uka ikupula hande asika kena kale mwa lika ze cwalo.

¹⁰⁸ Mulemuhe, Linzwi lani halikoni ku ilatula Ililona. Konakuli la katelisa, kamba ki takazo. Ki takazo ya sikamañi? Ki sikamañi se si mieza kuli mu Li lemuhe, mwa sibaka sa pili? Kakuli mwahali a moyo wa mina ne kuna ni peu yene lemuhilwe yeneli Bupilo Bobusafeli, kamita ibile mwahali mwani, kamita neili mwani. “Bao kaufela ba Ni file Ndate baka taha ku Na. Hakuna nihaiba alimuñwi wa bona ya ka lateha.”

¹⁰⁹ Maikuto a mutu ya nahana, mi mutu ya nahana ha utwa Linzwi la Mulimu, “Lingu za ka liutwa Linzwi la Ka, halina ku latelela muenyi,” kakuli mwahali mwani kuna ni Bupilo, mi Bupilo bu swalisana ni Bupilo.

Sibi si swalisana ni sibi, mi sibi sina ni buipi hahulu kufitela si nahana kuli si pilisizwe kanti ha si sika piliswa. Si mwa butungi fela bwa buipi.

¹¹⁰ Mamembala ba keleke ba bata sefa ya kopano ili kuli ba be bu takazo bona bañi mi bazwelepili kubizwa sicaba sa “bulapeli.” Muka ba utwa habali, “Oh, ki wa bulapeli hahulu.”

¹¹¹ Mwa Africa, nenili kwani zazi leliñwi, mi ne ba sweli ku bulela ka lika ze, banana babañwi ne ba sweli kubulela ka za lipina za rock-ni-roll zeo Elvis Presley ni babañwi ne ba sweli kuopela, Pat Boone ni bao kaufela, Ricky Nelson ni bona kamukana. Se nili, “Ki sikwata sa bayambaeli.”

Musizana yomuñwi naize, “Kiñi, ki wa bulapeli maswe.”

¹¹² Se nili, “Kona mwana bezi ni Judasi.” Nali, “Judasi nalwezi fela lishekele ze mashumi a malalu za silivera; Elvis Presley una ma dollar aeza likitikiti.” Mwabona? “Sibeli sa bona ne ba lekisize litukelo za kupepwa kwa bona.” Mwabona? Se nili, “Sibeli sa bona- . . . ki batu baba sina buitumelo bao naha inani.” Niteni, taba ya bupumi fela sina sefa ya likwai, likopano ze li tuhelela mamembala bani kukena mwatensi. Bona mane ha ba lukeli nihaiba ku. . . Ku lukela kuba mulao wa kuli basike kuopela lipina za bulapeli. Ki kulwanisa . . . ba lukela kulwanisa mulao ha ba ka eza cwalo.

Kono taba ya teni se ibile sishañata silisiñwi sesituna sa buipi, mi fani kona fo baina kacenu. Sefa ya niti. . . [Hakuna manzwi fa tepu—Mu.] ya moyo, ili, “Haiba ulata lifasi kamba lika za lifasi, lilato la Mulimu mane haliyo ku wena.”

¹¹³ Mwabona, hamukoni—hamukoni ku bulela kuli rock-ni-roll ki ya lifasi. . . kamba ki ya Mulimu. Rock-ni-roll ki ya lifasi. Zeñwi kaufela za mibinelo yani ni ku sefiwa. . . lika ze nyenyissa za masila, nitaluse, ki za lifasi. Ki za lifasi.

Hamukoni ku bulela kuli kukuta milili kwa musali ki za Mulimu. Bibebe i bulezi kuli ha li cwalo, kona mwa inezi ni masila a lifasi. Mi haiba mulata kalulo iliñwi ya lifasi, lilato la Mulimu mane haliyo ni hanyinyani ku mina. Mwabona?

¹¹⁴ Ki sikamañi sani? Kihande, ki sikamañi se si hoha sani? Ki sesiñwi mwatasi ku za mwahali kona se si hoha zani. Moyo wa hao kona o hoha lika kuzwa kwande, kukena cwalo ni mwa moyo, ku yo punya mane mwa moyo. Mi haiba moyo ulata lifasi, u shwile. Hanina taba kamba utozizwe cwani, za fande *fa*, ni ka mo ulukezi ki za fande *fa*; haili mwahali *mo* ushwile. “Kakuli yena ya lata lifasi kamba lika za lifasi, lilato la Mulimu mane haliyo ku yena,” hakuna taba kamba ki wa bulapeli cwani.

¹¹⁵ Sefa ya niti, nzila yani, ika—ika beya lika zani kaufela kwande ni ku sa tisa sisili kono kwanda buniti bwa Mulimu, lona Linzwi, kukena mwa moyo wa luli wa niti.

¹¹⁶ Ba swana sina Esau, kwande ba i ketile. Esau neli wa bulapeli kwande. Mi ha mutaha kwa bulapeli, na bonahala kuba wa bulapeli kufita mwanabezi Jakobo. Na bonahala kuba muuna yomunde kufita Jakobo mwanabezi, kono za mwahali ku yena, sa nali sona. Nali wa bulapeli kwande, kono minahano ya hae ne i sika sefiwa. Na sika hupula hande ka za tukelo ya sipepo. Yena—yena na si ka nahana kuli Mulimu, kuli tukelo ya sipepo ne ina ni taluso yetuna sina Mulimu mwa na bulelezi. Nali fani, ali, “Ni lapile, ki shutano mañi yeliteni ni tukelo ya sipepo ya kale? Wa kona kuba ni yona haiba wa i bata.” Oh, mawi! Mwabona?

“Na yanga kwa keleke; Ni swana fela sina wena mo uinezi. Kopano yaka i swana fela sina. . . Kiñi, ki iliñwi ya zetuna luli mwa lifasi. Boma nebali siemba sa yona. Bo ndate neli ba siemba

sa yona. Kaufela *se, sani*, ni *sesiñwi*. Bo mulisana ka ne ba itutile; bana ni *sakuli-ni-kuli*.” Sani si muisa kwahule luli ni Mulimu. Yani haki yona sefa ya mutu ya nahana.

Kambe neikaba yona, kana Pitrosi na kaba cwani ka mwana inezi, kanti na sa koni niheba kuñola libizo la hae? Kono na lwezi Sefa ya mutu ya nahana. Mulemuhe. Oh, mawi!

¹¹⁷ Esau na hupuzi kuli tukelo ya sipepo yani neisa talusi ka mo Mulimu na i bulelezi. Yani neli yona shutano mwahala Bupilo ni lifu. Mi kacwalo, sina Eva ni Judasi, neba lekisize litukelo za sipepo sa bona ka kukula kwa maikuto a zibo ya zwelopili. Sani kona sona luli sa na lekiselize tukelo ya sipepo Eva. Na i lekisize bakeñisa kaemba nyana ka sayansi, maikuto nyana a a zibo ya lifasi, keleke nyana yende, sikuwata nyana sesinde sa batu, mone si ka bizezwa kacenu. Mwabona?

Mi Judasi alekisa tukelo ya hae ya sipepo ka lishekele ze mashumi amalalu a silivera, mi aba ni ma dollar amañata nyana. “Kopano yaka ya kona ku ni lifa hande kwanu, mi Ni ka kutazanga fela kwanu.” Mwabona? “Kacwalo, haiba Ni ba mukutazi, kihande . . .”

¹¹⁸ Ne baize, “Muzwale Branham, lu lumela kuli Liñusa ki la Niti, kono halukoni ku Li amuhela. Kambe ne lu ka eza cwalo, kupalañi, ne luka kutaleza kai?” Huh! Lifasi, muzwale, sani kona sibaka. Luli. “Kihande, hakuna nihaiba yomukana wa mizwale ya ka ni yemela.” Ha—Ha ni libeleli yomuñwi wa mizwale kuli ba ni yemele. Ni libelezi Jesu Kreste kuli ani yemele, kakuli Na yemi ka Lona. Ki Yena ya Na Li bulezi.

¹¹⁹ Mi cwale tukelo ya sipepo ya niti, ona Mali, a sefilwe ka Linzwi; ni sibi kaufela, ni lifasi, ni keleke, ni likopano, ni litaba za bañoli, li siyala kwande. Tuto, zwelopili, keleke, kopano, mulao, sibi sa mifuta kaufela si siyala kwande fani mutu ya nahana hanga Sefa ya mutu ya nahana, ka kutalima kwa Mulimu.

¹²⁰ Hakuna se si siyezi mwahali fo mutu ha hoha bupilo bwa—bwa hae kufitela mwa Sefa ya Mulimu; mulemuhe, kwanu bupilo bwa mina kaufela ne bu tampakani kaufela ni sibi, kakuli ne mu “pepezwi mwa sibi, ku bupiwa mwa bumaswe, mutile mwa lifasi inge mu bulela buhata.”

Ni ka bulela taba yeñwi, sina Muzwale McCullough hana bulelanga. Mu ni teezeza.

¹²¹ Ha ne mutile mwa lifasi le, ne mu pepilwe mwa sibi. Ne mu sika taha mane niheba mata a ku i twanela. Ne mu “pepezwi mwa sibi, ku bupiwa mwa bumaswe, mutile mwa lifasi munze mu bulela buhata,” mwahala moyo wa mina, takazo ya sibi, kulata sibi kakuli ne mu pepezwi mwa sibi. Ne mu sina kolo.

Kono mwatasi mwahali ku mina, kokuñwi, ki mina bao mwa taha, neku naini sesiñwi mwani sikala kuhoha. Kambe mwa ziba,

nekuna ni sesiñwi se ne si mi bulelezi kuli ne ku na ni Mulimu kokuñwi; mi se mu bala Linzwi la Hae. Mi kiha munga keleke, mu ngile mihupulo ya mina hane mu ti lo hula, konakuli ne mu si ka itusisa Sefa ya mutu ya nahana. Kono ha mu itusisa Sefa ya Mulimu, ili yona Sefa ya mutu ya nahana, kakuli, “Lisefa zeñwi kaufela lika palelwa, kono Yaka haina kupalelwa.” Mi cwale ha munga Sefa ya Mulimu ni ku hoha bupilo bwa mina, litakazo za mina; haiba mu hoha litakazo za mina kuya ka Sefa ya Mulimu, ili Sefa ya mutu ya nahana, hakuna se si siyezi kwanda Moya o Kenile.

¹²² Cwale, haiba mubata ponahazo ya Moya o Kenile, ki yani iteni. Fani moyo wa hao hauka zamaeleta ni Linzwi la Mulimu, mwa litaba kaufela, ku bonisa kuli uhohile bupilo bwa hao kuya ka Sefa ya mutu ya nahana, Sefa ya Mulimu.

¹²³ Mulemuhe, kana yani kona Sefa ya Mulimu? Na ize, “Ha tapisizwe ka mezi a Linzwi.”

Mi cwale Mulimu hana file Adama ni Eva Sefa, mwa simu ya Edeni, Na ize, “Musike mwa hohela sesiñwi sa ze mwateni.” Kono Satani apunya lisuba ku Lona, ali, “Oh, ki ka bunyinyani fela, halina ku utwahala butuku.” Ki ku nokela fela hañwi, mwateni, kona sene si ezahalile fa kucala lifu mwahala lusika batu.

¹²⁴ Sani kona se si ezahalanga, ku ba fela ni maikuto alimuñwi a nikotini, kipeto baile.

¹²⁵ Hakuna sesiñwi se si siyezi kono kwanda Moya o Kenile.

¹²⁶ Mi kipeto sani si bonisa kuli ku mina nekuna ni peu yene lelilwe yani mwahali ku mina, yani kona ye mi za kuba ni linyolwa la Mulimu. “Kaufela ba Ni file Ndate, uni Ni file kuli ni liulule; ne ba shwile ni Na fa Kalvari; ne ba zuhile ni Na mwa zuho; bani kaufela Ba file ku Na, baka taha ku Na. Baka beiwa mwa Mubili, ko liutu, lizoho, ngo, mulomo, kaufela seo sili sona; lika beiwa mwahali Mwani. Mi ba ka taha ku Na mwa linako za bona.” Oh, mawi!

¹²⁷ Ki yani fani sefa ya ku hamulisa sibi kaufela sa lifasi, mi lilato la lifasi li shwile, mi moyo o usweli ku hoha fela taba iliñwi. Ki ye fa, musike . . . Muhupule! Musike mwa i libala. Mina kaufela kwa mawaile, mukenyse se mwahali mwa minahano ya mina. Mi mutu ya nahana hakala ku nahana ka za Yo aka yo yema fapila hae, ni seo Linzwi la Mulimu lili sona; hakala ku nahana, mi kipeto ha hoha kuya ka Sani, hakuna se si kona kukuna ku yena kwanda Moya o Kenile.

Ki sikamañi sani? Ki mubisi wa makalelo, peu ya Linzwi kuzwa kwa simulaho, yakuli ne muinzi ni Mulimu kwa simulaho, mu yemi fa munze mu hoha peu ya Bupilo. Peu i mwa pilu ya mina, kuya ka kulemuha kwa pili. Haleluya! Peu iteni mwateni kale mwani, kuya ka kuziba kwa pili kwa Mulimu, ku lemuhiwa.

Mi cwale ha i hoha, haikoni ku hoha kufitela mwa sika sisili fela kwanda Linzwi.

Mi kipeto ki maikuto a mutu ya nahana, mutu ya lukile, mutu ya kenile ya bona Bibele, kuli Jesu Kreste ki ya swana maabani ni kuyakuile. Ki sikamañi se sitaha mwahali mwani? Linzwi lani, le liinzi mwa pilu. “Ni patile Linzwi la Hao mwa pilu yaka, kuli Ni si ke na Ku foseza.”

Ki sikamañi sani, hakuna ni kuhoha kuya ka Linzwi? Kuna ni fela taba iliñwi ye ka fita mwa Linzwi; wani ki Moya o Kenile. Yani kona fela taba inosi yekona kufita mwa Linzwi, ki Moya o Kenile. Mi Sefa ya mutu ya nahana itisa maikuto a mande ku mutu ya kenile.

¹²⁸ Mi, utatubile kwa lika za Lihalimu; una ni Linzwi la Mulimu mwa pilu ya hae. Wa Li bona ha litalelezwa fapila hae, mi kipeto moyo wa hae kaufela u tatelizwe ku Lona, mi lifasi ni lika kaufela li shwile ku yena.

¹²⁹ Sefa ya mutu ya nahana, ya bulapeli; mi Ni nahana za kuhamula bulapeli cwale. Fani Sefa ya mutu ya nahana ha ifa mutu ya kenile maikuto a mande, mwabona, Ika kulisa maikuto a hae. U bona kuli Jesu Kreste ki ya swana maabani, kacenu, ni kuyakuile. Ki yani fani. Ku Mu bona fapila luna, inza eza lika zeswana sa Na ezize; lika kulisa maikuto a mutu, minahano ya hae.

¹³⁰ Wa ziba cwale kuli u silile kuzwa mwa lifu kuya mwa Bupilo. Mi wa lata, mi—mi—mi lilato la lifasi . . . kuli li pakiwe, mi ubata Linzwi kuli li pakiwe ni ku boniswa. Mwa lusika kaufela wa Li libeleta, kakuli ki mutu ya kenile mi una ni takazo ya kubona Mulimu. Babañwi ba bata fela ku ikopanya mwa keleke. Mutu yo ubata kubona Mulimu. Ha Mu boni mwa sikhata sa lituto za litumelo. Ha Mu boni mwa maharepa amatuna a lilimba za kufuta, kamba mwa miyaho ya litapelo, ni lifapahano zetuna, kamba baituti ba likolo baba cuukile ni likola za bona li sikamezi kwa mulaho. Ha Mu boni mwa lituto za litumelo kamba mwa baituti ba litumelo za bumulimu. U Mu bona mwa kupakiwa kwa Linzwi la Hae.

Ni Mu boni mwa mulilo wa busihu wa Teni.

Meto aka aboni kanya ya kutaha kwa Mulena;
Usweli ku zamaya kwande kone kucalwanga
bisansa bya veine ya kale ya buhali bi
bulukilwe;

U tamuluzi lumonyi lwa butokwa ka mukwale
wa Hae o mata mi o bubebe;
Niti ya Hae i zamaya kwa pili. (Ikaba cwalo,
kuisa maungulo. Eeni, sha.)

¹³¹ Mwabona se Ni talusa? Ki Sefa, mutu . . . Kamba, Sefa ya mutu ya nahana; mutu ya bata ku yema fapila Pata ya Mulimu. Sefa ya Mulimu neli sikamañi? Linzwi la Hae. “Lizazi le mu kaca

ku yona, lizazi leo mu ka shwa.” Hakuna taba ka ze ezahala kwande kwanu; musike mwa fitelela Linzwi lani. “Kutapiswa ka mezi a Linzwi,” Sefa ya mutu ya nahana. Isiñi kopano, isiñi tuto ya tumelo, isiñi keleke, isiñi muyaho wa litapelo; kono ki Sefa ya mutu ya nahana, kakuli mu ka atulwa ka Linzwi. Mutu ya nahana uka nahana cwalo. Mutu wa sikuba, kamba maikuto a lifasi, aka amuhela fela sika kaufela, sa kuyolisa. Kiñi hakuba sa kuyolisa kanti sa Niti si teni?

¹³² Munahane, munahane fela fateni ka muzuzu. Musali ya bulela ka malimi, ni milili ye kutilwe ni mipende fa mulomo, mi kipeto keleke i swalelela ku zona, kuli yani kona ponahazo ya Moya o Kenile.

¹³³ Kamba mukutazi yazwa kwa sikolo sa baituti kamba sikolo sa Bibebe, inza itusisa kolobezo ya tumelo mwa balimu babalalu, kamba ku keshebisa Linzwi, kwa lituto zeñwi za litumelo kamba kopano. Kana yani kona Sefa ya mutu ya nahana nji? Isiñi ka mo Ni ibonela, muzwale. Mutu wa sikuba ki yena ya kona kufita ku zani. Yani ki niti. Kana mwa kona ku nahana cwalo? Mwa sibaka sa kuitusisa Linzwi la Mulimu kuba Sefa ya moyo wa hae; ku tuhela libunda tuna lani la lituto za litumelo ni kopano fahalimwa hae, mwa sibaka sa kunga Linzwi la Mulimu kuba Sefa. Mi kipeto u tampakani ka zona kaufela, mi ba mu katela litumelo za lituto za batu, inza eza lika, “bukaufi ni kupuma Baketwa,” mi ba hana Linzwi.

Fani, ha kona kuhohela mwa moyo wa hae, haiba kuna ni sesiñwi mwahali mwani sa ku hoha ka sona. Kono haiba nji peu yani ye lemuhilwe kale... Musike mwa latehisa se. Haiba nji peu ye lemuhilwe kale yani haiyo mwahali yani, haina ku hoha mwahali Mwani, kakuli ika hoha za litakazo za yona.

¹³⁴ Haiba mutu ya zuba ubata maikuto a mutu wa muzubi, mi haiba usweli mushanga... Ni li, “Anya munwana wa hao,” mi kipeto uyema fani inza anya munwana wa hae. [Muzwale Branham umumuna munwana wa hae, ili kutalusa—Mu.]

¹³⁵ Kiñi, uka li, “Bwani ki bukuba.” Kiñi? Maikuto a hae ki a nikotini. Kacwalo, ha ki mutu ya nahana. Mwabona? Kono muli, “Kihande, Na nya, Hanina ku tatube sika kaufela. Ni bata ku tatube za... Ni bata kutatuba kwai. Hani tatubangi sika.”

¹³⁶ Mu mufe pegi ya ku yanehisa libyana mi mutuhele kuli a mumune. Mwabona? Luli, mutuhele kuli a i mumune. Ubulela kuli, “Hani tatubangi sika kaufela.” Ki sikamañi so anyeza sani, he? Mu na ni takazo ya kutatuba nikotini.

Mi ha mu anya kwa lituto za litumelo za keleke, mi niteni mina basali mu sa tina millili ya kukuta, lifateho ze pentilwe, mi ba apezi liapalo za butanya; mi ni mina baana mwa ba talima, ni lika zeñwi ze, ni kuzwelapili ka nzila ye cwalo. Ki sikamañi sani? Ki sikamañi se si inzi mwahali mwani? Lifasi li sa inzi mwahali

mwani, mi muna ni maikuto. Usweli ku mumuna sani kuli ube ni maikuto.

¹³⁷ “Ni yanga kwa keleke ya *kuli*; bona mane ha ba bulelangi litaba ze cwalo. Hakuna se ba bulelanga ka *se*, hakuna sa kulwanisa *sani*. Hakuna nihaiba sesiñwi sa lika zani ze bulelwanga. Mukutazi wa luna ki wa zibo ya lifasi kaufela kufita zani. Halu bulelangi lika ze cwalo.” Ki sikamañi? Una ni maikuto a lifasi osweli ku mumuna. Luli!

¹³⁸ Kono haili musali ya nahana hana ku amuhela mufuta wa lika ze cwalo. Wa ziba kuli una ni kuba ya kenile. Mi taba fela ye mu kona kuhoha kuya ka Linzwi la Mulimu ki Moya, Mata a pilisa kuli aeze Linzwi Kasibili, le li inzi ku mina, upile ka ku bonisa Jesu Kreste mwa lusika lo pila ku lona. Haleluya! Muzwale, haiba yani ha ki Niti, Hani zibi seo Niti ili yona. Ni latehezwi ki ngana ya ka haiba nji yani ha ki Niti.

¹³⁹ Ki Linzwi lona Kasibili mwa pilu ya mina, leli lemuhilwe mwani, kona le lihoha. Mi lizusa sani kwande; ha litokwi zani. Kono ha li fita mwa Linzwi le, la kala kuhoha. Mi cwale ha lihoha kuya ka Linzwi, haina kuba sika sisili fela kwanda kuba Moya o Kenile kuli ufe mata kwa Linzwi lani.

¹⁴⁰ Mi cwale munahano, Sefa ya mutu ya nahana ki Linzwi, mi kipeto ukulisa maikuto ainzi mwa pilu ya hae; sefa ya mutu ya nahana, maikuto a mutu ya kenile. Oh, mawi, mubone seluli ku sona!

¹⁴¹ Mwa sibaka sa ku itusisa Sefa ya Mulimu kwa moyo wa hae, utuhelela Satani ku mu puma ka kopano yeñwi kamba tuto ya tumelo, ona cwalo fela sina likampani za kwai mo li pumela mina sicaba baba zubanga kwai. Mu i kungela fela mamembala ba bañata, mi kipeto ku felile.

Oh, mwendi ni kwale ka mizuzu fela ye likani, ka kubulela se.

¹⁴² Laodesia wa sibofu! Lukona kuba libofu ze cwani! Laodesia wa sibofu, bubofu bo bu etelezi bwa lusika lo, mwataswa buikankabeki bwa buhata, mwataswa lituto za litumelo za buhata, mwataswa libuka za lituto za litumelo za buhata. Oh, Laodesia wa sibofu, ku etelela libofu, kaufela mina mu yo felela mwa musima!

¹⁴³ Cinca sefa ya hao busihu bwa kacenu, mukutazi. Usike wa hohela musili wa nikotini ya kopano yani mwa mulao wa hao, wa lituto ni litumelo za lituto, zona zana bulezi Jesu kuli, “Yo kaufela ya ka ekeza linzwi ku Lona, kamba kuzusa Linzwi leliñwi ku Lona.” Ha u bulelela kopano ya hao kuli kulukile basali haba eza *sani*, ni baana bani kueza *sani*, ni lika zeñwi ze, *sani* ni sesiñwi; ibile fela ba pila ka niti ku *se* ni kueza *sani*, ni kubuluka lituto ze ni litaba zeñwi, kikuli ha u ikutwi maswabi?

“Bafalisi ba libofu,” Jesu abulela.

¹⁴⁴ Mi sina Jesu hana huwile kuli, “Bafalisi ba libofu,” Moya o Kenile mwa pilu yaka luli wa huwa, “Laodesia wa sibofu! Kana Mulimu uka nga nako ye kuma kai inza kufaancafazo! Kono cwale nako ya hao itile; se lilikezi cwale. Mo keshebiselize ni kuseha sicaba sana lumezi ku wena Mulimu! Kono cwale nako ya hao itile. Oh, United States, United States, kamo Mulimu na bata kuku bukeleza sina—sina nasikuku kwa tuzwinyani twa yona, kono ha ulati.” Cwale Linzwi le liya kuzwa kwa likamba ku yo punya kwa likamba leliñwi, kuzwa kwa mutulo kuisa kwa mboela, ni upa kuya wiko. Kamo Mulimu na bata kuli aku bukeleze, kono ha ulati! Cwale nako ya hao itile.

¹⁴⁵ Linaha za ikaba. Lifasi la ikaba fahali. Limaele ze fiftini mwa butelele bwa teni, limaele ze mianda ye milalu kamba yemine mwa bukima, ika tiba, mwanda...kamba mwendi limaele ze mashumi amane mwahali a mulatu omutuna wani kwa buse kwani, leliñwi la mazazi a, mi ni mandinda aka kala kutumuka kuzwa muleneñi wa Kentucky. Mi haku kaba cwalo, lika nyanganyisa lifasi hahulu kuli lika kaufela zeli mwa halimu lika nyungana kuwelafafasi.

¹⁴⁶ Oh, aku ni pate mwa Licwe la myaha myaha! Mulimu, ni tuhele, ni tuhele. Uni bululele, Mulena. Moya wa Mulimu ya pila, uni bululele. Tuhela ni nge Sefa ya Mulimu mi ni pile mwatasa Yona, Mulena. Tuhela ni kenyé moyo o bata wa Moya o Kenile mwa maswafu aka, mwa moyo wa ka zazi ni zazi, kuli Ni si ke na ku foseza Wena, O Mulena. Ni bululele, Moya o Kenile, ni bululele! Ni...

¹⁴⁷ Tuhela kuli ni cale Linzwi la Mulimu mwa pilu yaka, ni kukonka kuli Hanina ku keluhela kwa lizoho la silyo kamba ku la nzohoto, kuba kwahule ni Lona, kono Ni ka pila ka niti ku Lona ka mazazi a bupilo bwaka kaufela. O Mulimu Ndate, konakuli u ni lumele Moya o Kenile wa Bupilo, kuli utise Manzwi ani kwa bupilo ku na, kuli Ni kone kubonahalisa Jesu Kreste fapila babali fapila ka, baba libelela kuli liezahale. Yani kona tapelo yaka.

¹⁴⁸ Oh, mawi! Mulemuhe mo ba ezeza kacenu mwa likeleke zani. Ku sefa batu ka lisefa za likopano zani, kukena mwa katengo ka ba ekumeniko. Kiñi? Kiñi? Kakuli li bafa takazo ya lipilu za bona, kopano. Bana ni maikuto a kopano. Ba ka eza cwalo.

¹⁴⁹ Nako kaufela foo Mulimu akile aba lumelaancafazo, mi, bona, ki sikamañi sene ba ezize? Ne ba ikongakongile. Kana ki niti yeo? Kacwalo bana ni mufuta wa sefa ya bona, kakuli bana ni maikuto a matuna. Mi cwale Mulimu uka ba fa maikuto abona. U ka bafa...Ba sweli ku limumuna mwahala katengo ka ba ekumeniko, mi kipeto baikungela maikuto a zona kasamulaho. Bana ni ona inza taha.

¹⁵⁰ Oh, keleke ya Laodesia, musike mwa ipumelwa mwa lusika lo, ka bupumi bwa bona. Oh, Pentekota, mina ba bakeni mwa Laodesia, mina babali siemba sa Laodesia, keleke ye shwile; ka Methodist, Baptist, ni Presbyterian, ka mufuta fela wa sizo. Kono mina ma Pentekota bene bakona ku bulelanga kuli “amen”; baba kona kuliza lipina zeñata fa katala, mi bana ni basali baba kutile milili ya bona banze babina fa sibaka kaufela, mi niteni ba sa lumela mwa foliso ya Bumulimu; kana Mulimu uka mi shimba nako yekuma kai, kono muikungezi sefa isili, ili sefa ya kopano. Kana Mulimu uka mi shimba nako ye kuma kai!

¹⁵¹ Mone libezi ze puma! Mateu 24:24, Jesu nabulezi kuli... “Li ka puma nibona Baketwa kambe ki nto ye konahala.” Mo mubezi bukaufi luli, mane sina Eva, ka kutuhela fela taba iliñwi kamba zepeli zenyinyani zene mu si ke mwa amuhela, kakuli mu ikongakongile mi hamukoni ku Li amuhela. Cwalo kona mo libelanga. Ikona fela kunga taba kaufela, “Kakuli kuloba ulimuñwi, ki kuba ni mulatu wa kuloba lika kaufela.” Oh!

¹⁵² Pentekota, Pentekota, mushelise munahano wa mina mwa Sefa ya Mulimu, isifii litolo za likopano za mina, mi kipeto mu ka ba ni maikuto a mutu ya kenile, kolobezo ya niti ya Moya o Kenile.

¹⁵³ Kana mwa kona ku nahana kuli muuna uka tuhelela musala hae kukuta milili ya hae, kutina tuputula, kamba kutina malukwe, ni kubulela kuli usweli kufita mwa Sefa ya mutu ya nahana? Kikuli mwakona ku nahana kuli mutu uka eza taba ye cwalo?

¹⁵⁴ Kana mwakona ku nahana kuli mukutazi uka yema fa katala, kakuli ulifiwa hande ki puteho ya hae ye mu kambeka lizoho fa mukokoto wa hae, ya mubiza kuli, “Muluti, Muzwale, Revurendi,” ni ku muisa kwande kwa mikiti ya mifuta kaufela ko ba kopanelanga ha ba tapa, ni lika zeñwi kaufela, fa makamba a nuka; kana mwakona ku nahana kuli muuna uka ipulela kuli usweli kufita mwa Sefa ya mutu ya nahana?

¹⁵⁵ Mi basali babañwi fa katala fani, ni lindelesi za bona fahalimwa mañwele abona, ze na ni licanku mi ze kakatezi ni ku bonisa mufuta kaufela, muzamao kaufela o ba eza, mi tunekunda twa bona twa mwahali twa bonahala mwa lindelesi za bona zebelela; ku swana fela ni kutina tuputula, tunekunda, kamba sika sisili kaufela. Mina Mapentekota, libofu, bakutazi ba Laodesia, kana Mulimu ukanga nako ye kuma kai ni mina, Ha ni zibi. Mube... Mulimu abe ni makeke ku mina—kwa meto a mina a libofu. Una ni mulyani wa meto busihu bwa kacenu, kuli akwalule meto a mina, ili kuli mu bone.

¹⁵⁶ Sina hane Ni bulela kakusasana cwana, luinzi mwa lusika lo lubona, lwa fa halimu. Hakusana ngana ye fitelela sani, kuli mu zamaele kwande, ka kuziba. Mina, ka lingo za mina, mwakona ku nunkelela; ka milomo ya mina, mwakona kubulela;

ka mazoho a mina, mwakona ku ngunyuta ni kuswala; mi ka mautu amina, ni zeñwi cwalo; kono hamukoni kuya fahule kufitelela meto amina.

¹⁵⁷ Malaki 4 utile; meto! “Mi kukaba Liseli ka nako ya manzibwana.” Oh, muzamaye mwa Liseli!

Lu ka zamaya mwa Liseli, Liseli lelinde,
Le li taha ka maloteli a benya a sishemo;
Monyeha ku na musihali ni busihu,
Jesu, Linzwi, yena Liseli la lifasi.

¹⁵⁸ Eeni, sha. Mufite ku Lona, oh, muzwale, mi kihona mu ka zwa ni maikuto a mutu ya kenile, ni Moya o Kenile.

¹⁵⁹ Oh, musali tuwe, kenya munahano wa hao o munca wa ndelesi. Kenya munahano wa hao o munca, usika ya kale fa mukwakwa fapila muuna; mina basali ba sanana, mina basali bahulu, musika ya kale mwa mukwakwa ni litino ze kakatezi cwalo, ze kashelizwe kwa mulaho ni kwa pata. Ha ni sika halifa. Ni muzwale wa mina. Ni yemi mwahala baba pila ni baba shwile, mi ni lemuha se Ni bulela. Musika ya kale kwande, mi muzibe kuli mibili wa mina ki sibyana se si kutekeha, kamba sapalo seo Mulimu a mifile; mu si ka ya kale fa mukwakwa, muapezi cwalo, mukenye munahano wa mina mwa Sefa ya mutu ya nahana. Mi mu hupule, kuli, “Mutu kaufela ya ka ku talima ka kuku lakaza, kele mu buka ni yena muuna yoo.” Uhupule seo, kezeli.

¹⁶⁰ Mi, muzwale, usika sikulula kale toho ya hao kuli u mu talime, ka ku itemuna cwalo, shelisa munahano wa hao mwa Sefa ya mutu ya nahana. Uka zwa una ni maikuto a mutu ya kenile, mwabona, ka kueza se si lukile.

¹⁶¹ Mulemuhe, haiba mu kenya munahano wa mina mwa Sefa ya musali ya nahana, uka zwa ni ndelesi ya musali ya kenile. Yani ki niti. Uka zwa kwande, muzwale, ni mubonahalelo wa mutu ya kenile. Cwale, yani ki taba iliñwi fela.

Lika kaufela ze mu eza, mu li fitise mwa Sefa ya Linzwi la Mulimu, mubone haiba li lukile kamba li fosahalile.

¹⁶² Mu ka zwa ni mutinelo wa musali ya kenile, ni milili ye mitelele, kutina hande ka likute; moya wo kuzize, wa ku ikokobeza; isiñi ya felela mwa halimu ni wa lindwa, wa lindwa ni kuzwelapili cwalo. “Moya wa kukuza, wa kuishuwa, yeli taba yende yezwa ku Mulimu.” Bibebe i bulezi ona cwalo.

Cwale Ni bata ku mi buza taba iliñwi, kafo mwa linaha. Lu ka kwala mwa mizuzu ye likani fela.

¹⁶³ Cwale kaufela luna, busihu bwa kacenu, lu tatubeni litakazo za luna, mi kipeto mu ka bona mufuta wa sefa ye mu bile ku yona. Ha lu tatubeni, mutu ni mutu wa luna, mo ni kwande mwahala linaha. Mutatube litakazo za mina, se mubata luli mwa bupilo. Mutatube se mu lwanisa. Mutatube se mubezi mo. Mutatube se mu yelanga kwa keleke. Ki sikamañi sesi mi eza... Ki hande

kuya kwa keleke, kono musike mwa ya fela kwa keleke; sani ha si na ku mi pilisa. Mwabona? Mutatube fela ka mizuzu ye likani, muli, “Kana litakazo za ka . . . Ki—ki mufuta mañi wa sefa ye Ni sweli kufita ku ona, nihakulicwalo?”

Mi haiba hamuna ku swalisana ni Linzwi la Mulimu, ni moyo wa mina haubi cwalo, konakuli kuna ni se si fosahalile; kakuli li bonisa maikuto a mina, kuli bupilo bwani . . . mufuta wa bupilo bo bu inzi ku mina. Haiba ki buino bwa bunde, buiketo, likute, buka taha ona cwalo. Haiba ha ku cwalo, una ni maikuto asili ku wena ko sweli ku nwa. Yani ki niti luli.

Mi haiba maikuto ki Linzwi la Mulimu ni tato ya Mulimu, kipeto mwa ziba se sili ku mina, se si sweli ku hohoh maikuto. Si bonisa kuli u siemba sa Linzwi lani. Linzwi lani li inzi ku mina, kunwa mwa Linzwi.

¹⁶⁴ Ki sikamañi se Si hoha sani? Ki ku hohoh kuya ka Linzwi, kakuli mu siemba sa Mubili wa Kreste sa lusika lo. Mi haiba Linzwi lani liteni ku mina, Likona fela kufita mwa Linzwi, Moya o pilisa kwa Linzwi lani le li inzi ku mina. Linzwi fela linosi halina kupila. Lani kona libaka, “Bao kaufela Ndate a Ni file baka taha ku Na; mi haiba Ni kambamiswa, Ni ka bizeza batu kamukana ku Na.” Mwabona? Mwabona, “yena Ndate,” siemba sa Mubili wa Kreste oli mwa lifasi, olelilwe kale, si beilwe mwa pilu.

¹⁶⁵ Mi mutu kaufela yali Mukreste wa niti, ya pepilwe sincia kacenu, wa ziba, kuzwa ha nali mushimani yomunyinyani, kamba musizana yomunyinyani, cwalo, kuli nekuna ni sesiñwi ku mina tala ya Mulimu. Mi mulikile kukena mwa likeleke ni lika zeñwi kaufela; ne li si ke kubeleka. Neli sikamañi sani? Neli lona Linzwi lani. Ne mu sweli ku zuma Sefa. Mi zazi leliñwi La to monyeha fapila mina; mwa to bona Jesu Kreste ya swana maabani, kacenu, ni kuyakuile. Sani ne si kuyuzi maikuto. Mwabona?

Kakuli, bupilo nebula ku mina, inze bu hoha. Mwabona, bupilo ku mina bwa hoha. Si—si paka kuli ki takazo mañi ye mu nani mo. Mwa hoha. Hamukoni ku hoha ka kufita ku *se*, ni *sani*, ni *sesiñwi*. Mu na ni kufumana Sefa yende ye swanelia yani, kakuli mu batu baba nahana. Mwabona?

¹⁶⁶ Haiba u mutu ya nahana, konakuli u lelilwe isali kwa makalo, kamba ku sefiwa kusika ba kale . . . kusina mutomo wa lifasi.

¹⁶⁷ Mi haiba mukutazi wa kopano wa liutwa, Ni lakaza kuli kambe na ka i kungela Sefa ya mutu ya nahana, haiba ki mukutazi wa likopano. Konakuli uka nepelafafasi kakwakwati kaka libelezi kushwa, kakuli ki linzwi la mutu; ni kuamuhela Linzwi la Mulimu le li sefilwe le li sa palelwi kamba kufela, mi kipeto Li ka swana ni maikuto a mutu ya kenile. Mi, sina Jakobo, lika toboga lifasi kaufela ni litakazo za likopano kaufela

ni kabubo, ze liteni mwa lifasi, ko mukona kuba bishopu, nduna, kamba mukona kuba muokameli wa likeleke za naha, kamba mulisana wa keleke yeñwi yetuna. Mu ka itoboha kwa lika kaufela zeliteni. Isiñi sina Esau, kwa kuba siemba sa lifasi; kono sina Jakobo, mu ka fa lika ze munani kuli mu amuhele tukelo ya sipepo, Sefa ya mutu ya nahana; kakuli Ika mifa maikuto a mutu ya kenile. Mi I ka kulisa. Mi akaba a kusi, mi mu ka keniswa ka maikuto a Kuyakuile a bunde bo bu kenile bwa Mulimu.

¹⁶⁸ Muhupule, Satani na punyize lisuba la pili mwa munahano wa Eva, kamba munahano wa hae, ili kutuhelela maikuto a butali bwa hae ni zibo kuli akene mwateni.

¹⁶⁹ Cwale ka se. Na kwala. Satani na punyize lisuba la pili mwani, kakuli musali sa na kona fela kuhoha neli Linzwi. Wani neli Moya kufitela mwa Linzwi la Mulimu, kakuli naize, “Ibile fela mupila ka Sefa ye, hamuna ku shwa; kono mu sa lika fela kutamuna ku se *kwanu*, mu ka shwa.” Mwabona?

¹⁷⁰ Mi Satani ali, “Kono hakuna se mu ziba *fa*. Kono ha mu tatube nyana fela ku se *fa*, kipeto mu ka ziba; mu ka swana sina Mulimu. Mwabona, Wa ziba zende ni ze maswe; mina nya. Mi mu sa itamuna fela hanyinyani ku *se*.” Mi musali a tuhelela lisuba inge lipunyiwa, neli fela lisuba lililiñwi.

¹⁷¹ Cwale mwa bona ha Ni bulela kaza... Mu li, “Kiñi ha u sa lutu basali, ni babañwi cwalo, mwa ku amuhelela limpo ni lika ze cwalo?”

¹⁷² Ne niize, “Kana mu ka luta cwani lipalo za alujebura kanti nihaiba ABC ya bona haba i zibi?”

Lisuba nyana fela lililiñwi kona lene li petile zani. Na ngile butali bwa lifasi, mi, hane ku ezahalile, ne litisize lifu kwa lubasi kaufela, kubata kutatuba mutamu wa butali.

¹⁷³ Cwale mutualime fa sefa, mi kaniti ne i bonahalize maikuto a musali. Maikuto a hae neli a lifasi; zani kona za nani. Sani kona mo si inezi kacenu. Ba lata lifasi ni lika ze mwa lifasi, bana ni mubonahalelo wa bumulimu, kono ba latula Mata ateni. Mwabona, Satani uka ba tuhela kuli ba bulele ka malimi; uka ba tuhela kuli ba huwe; ku ba tuhela kuli ba be ni lisebelezo za foliso ya Bumulimu; uka ba tuhela kuli baeze mufuta kaufela wa lika.

¹⁷⁴ Na ize, “Babañata baka yaha ku Na, kuli, ‘Mulena, kana ha Ni sika leleka mioya ye maswe ya diabolosi, kikuli ha Ni sika eza lika zeñata, kueza *se*?’” Uka li, “Nali kuba ni mizibe, mina baezi ba ze maswe.” Fani Linzwi hane libeilwe fa pila mina mi mwa zwelapili ku mumuna sefa ya kale ya lifasi, mwabona, libonisa maikuto anali mwa pilu.

¹⁷⁵ Linkwilimba ha likoni kuca ze shashize. Ha li koni kuca zani. Halina nyoko ni yekana. Liñwalala la kona kuca litoze sina nkwilimba mi lakona kuca ze shashize sina liñwalala,

mwabona, kakuli ki muipi. Kono nkwilimba haisika bupiwa sina nyunywani yeñwi kaufela, mi ki kabakaleo Mulimu naitibahalize Iliyena mwa Nkwilimba yene shetumuka kuzwa mwa Lihalimu. Mwabona? Ha ikoni—ha ikoni ku yemela munko wa ze shashize. Ha ki linoñu; libaka, haina nyoko ni yekana. Ha ikoni ku kaya zani. Za kona ku i bulaya, haiba ne ika lica.

Mi nkwilimba ha itapangi. Mubili wa nkwilimba una ni mafula azwa mwahali, a i buluka ili ye kenile. Ki bupilo bo buinzi mwa nkwilimba; ya itahiseza mafula a oli a buluka mafufa a yona inze a kenile. Mi ona cwalo kona mwa inezi ni Mukreste; kuna ni Bupilo mwahala zona bo bu li buluka lili ze kenile. Bwa sefiwa.

¹⁷⁶ Oh, mulemuhe! Cwale mutualime kwa... kwa sefa, mi kaniti mwakona ku bona maikuto a teni, ka se ba eza kacenu.

¹⁷⁷ Mutualime keleke ya kacenu ye. Mutualime fa sefa ya bona. Mwakona ku bona se ba lata. Mwabona se ba nani. Lilato, ki sikamañi se ba lata? Ma Laodesia ya libile kwa Katulo ya Mulimu. Yani ki niti. Lilato, lilato la keleke kacenu ki la Laodesia, kopano ye tuna, muinelo o mutuna, taba, yetuna ye zibahala, batu baba tinile hande, baba utehile hande, babatezi zibo, kutala diabolosi, mwatasasa bupumi bwa keleke ya Kreste. Kuna ni fela linzwi lililiñwi le lilukela kuba mwani, “anti-Kreste.” Kakuli, lika kaufela za na lutile Kreste, ki ze lwanisa lika kaufela; kulukile, ka ku likana fela ili kuli baipize kuba zani.

¹⁷⁸ Cwale haiba mu batu baba nahana busihu bwa kacenu, mo ni kwande mwa libaka ko ku kaya Liñusa le, takazo ya mina ibe maikuto a Bibele, isiñi maikuto a kopano, kakuli mu ka atulwa ka yona Bibele ye swana, Linzwi le Ni mi kupa kuli musefe moyo wa mina ku lona. Mi kuhana Linzwi leliñwi la Lona, mi mutokwe ku lumeleza moyo wa mina kufita mwa Linzwi lililiñwi lani, mu ka haniwa. “Kakuli mutu hana kupila, ku buyela, ka buhobe fela, kono ki ka Linzwi kaufela le lizwelela mwa mulomo wa Mulimu.”

¹⁷⁹ Li ka tisiwa ku mina, ku lemuhiwa pili. Mi haiba Mulena a mi buyelela, Moya wa Hae uka pilisa Linzwi lani kuba la niti, mi mu ka bona kuli Jesu Kreste ki ya swana maabani, kacenu, ni kuyakuile. Oh, mawi!

¹⁸⁰ Musiye likopano za lifasi, sikkawkwati sa bulapeli. Siine ona cwalo sina kakwakwati ka kwai kani mwa mushitu. Ha si bole mane sinyafute. Ki—ki sefa ye fosahalile. Mi munge Linzwi, yeli Kreste, sani sifa, ni kufita, ni kubuluka maikuto a Bupilo Bobusafeli, ku mutu kaufela ya ka Li amuhela, Bupilo Bobusafeli.

¹⁸¹ Haili Linzwi, haiba u lemuhilwe pili, uka Li bona. Hakuna mukwa wa ku Li pata ku wena. Uka talima fani ni kubulela kuli, “Kiñi, la Iponahaza fela hande fapila pata ya ka! Na talima ku

Lona; ki Lani fale. Ni talimile hande ku Lona. Na Li bona. Ki Le fa, lona Linzwi; Linzwi kaufela, ki Linzwi ni Linzwi, la i pilisa.” Konakuli kuna ni maikuto a Bupilo Bobusafeli o mubata.

Mi cwale ha mu buyela ka Lona, ki sikamañi se si kona kushela ku Lona, Sefa ya Mulimu? Hakuna sesiñwi kwanda Moya; hakuna lifasi, ni hanyinyani; hakuna kusa lumela, ni hanyinyani. Ki Sefa ya Mulimu. Mi cwale ha mu buyela ka kufitela ku Sani, hakuna se si kona kufita Mwani kono konji ka Moya o Kenile.

¹⁸² Cwale muna ni bupaki bwa Moya o Kenile, mwabona, maikuto a muuna kamba musali ya kenile. Ba bata kupila. Bana ni Bupilo Bobusafeli. Mi kakuli Linzwi le lifilwe bupilo ku bona, ba pila; ki Sefa ya mutu ya nahana, ni maikuto a mutu ya kenile.

¹⁸³ Musike mwa i kungela lifasi, sina likampani za kwai zani, mwatasa bupumi, kono munge Sefa ya niti ya mutu ya nahana. Musefe moya o mu buyela, lico ze muca, lika kaufela zeo muli zona; mu li buyele ka Linzwi la Mulimu, mi mu ka ba ni maikuto a mutu ya kenile. Kakuli, Li ka tisa ona sani, kakuli Yena wa swana maabani, kacenu, ni kuyakuile.

¹⁸⁴ Mi Na ziba, kamba luteni kamba haluyo... Ni sepa kuli lu teni. Kono, haiba ha luyo, kuna ni yomuñwi mwa lifasi kacenu yali wa siemba sa Mubili wa Kreste; mi Li ka pila fela ka Linzwi la Mulimu, Linzwi kaufela le li zwelela mwa mulomo wa Mulimu kwa lusika lo lu pila ku lona cwale.

¹⁸⁵ Mi ha Ni boni ko kopano... Manzwi ani anamile hande mwa Bibele, nabulezi kuli lika ezahala, ni lika ze ka ba teni, mi fa lupila kuzona luli cwale. Ha ni boni ko li lukela kubela kusili kono konji kwanu.

¹⁸⁶ Keleke, Ni lemuha kuli Ni lukela kuyema ni mina mwa Katulo zazi leliñwi. Libe kwahule ni na za kuli ni mi bulelele taba ye fosahalile, ka kubata kabubo. Ha ni tabeli cwalo. Kambe Ni ba ni takazo yaka, Ni, takazo yaka fela ya butu, Ne ni kanga tobolo yaka ni kuya mwa mushitu ku yo icahela kandu ka mabala, ni kalaba, bupilo bwaka kaufela. Ni se ni supala, na katala, ni imezwi, mi naobama, kono Hanikoni kutuhela. Kuna ni sesiñwi ku na, se si bila. Bumai ki bwaka haiba ha Ni buleli Niti mi ili Niti kakutala. Bumai ki bwaka haiba ha Ni yemi fa kufitela ku buyela kwa mafelelezo kwa mubili ku ni siya. Ni lukela kuyema, hakuna taba ka sa bulela mutu kaufela. Ni ikalabela fapila Mulimu.

¹⁸⁷ Mi Na lumela kaniti kuli lika ze lu kutaza ki Niti. Isi bakeñisa kuli ki na ya li kutaza. Batili, muzwale waka. Batili, sha. Mulimu wa ziba pilu yaka. Mo Ne ni ka lata kuinela mwa puteho ni kuteeleza ku baba tozizwe ha ba kutaza. Ne ku kaba bunolo hahulu ku na, kaniti kakuli Ne ni kaba ni Bupilo Bobusafeli ka kuswana sina muuna yali fa katala. Ni siemba sa Ona sina ni yena mwa inezi. Ni ka kwa Lihalimu leliswana, ni

be ni matohonolo a swana. Ka bunolo mo ne ku ka ni bela kuli niitulele kafo mi ni sa ikungeli kwa likolofalo ze, ni libatana, ni kuzwelapili. Kamo ne ku kabela bunolo, kakuli za ku inanga busihu kaufela kusina kulobala, hola ni licika, kamba lihola zepeli; kulwana busihu kaufela ni litaba ze taha. Kamo ku kona ku ni bela bunolo, kunga tobolo kakusasana lelitatama, lutaka lwaka lwa kashuto, ni ku yo shuta kamba ku yo zuma! Mone ku ka bela bunolo! Muzwale, li ni wezi ka buñata. Mulimu ani tuse kuli nisike na swabela musebezi wa ka, kono ni yeme ka likute ni niti, ni kutisa ku mina Sefa ya mutu ya nahana ye ka mifa maikuto a mutu ya kenile.

¹⁸⁸ Sefa ya mutu ya nahana ki mezi, ki mezi a kauhano. Ki kuckenisa kwa sibi, yeli Linzwi la Mulimu. Mi mutu ya nahana, mutu ya ziba kuli una ni kuyema fapila Mulimu, uziba kuli una ni ku alaba ka Linzwi kaufela la Bibele, Li ka kulisa maikuto kaufela ali mwa pilu ya hae. Mi Mulimu alutuse kuli lu Li amuhele, halunze luinamisa litoho za luna.

¹⁸⁹ Mulimu yomunde, hola yeñwi kamba zepeli li fitile. Waci icibilikile cwale. Liñusa cwale se liya kwa litaba za kale, mi Li ñozwi mwa Buka. Luna kaufela lu lukela ku alaba ka se, muzamao kaufela o lueza, linzwi kaufela le lu bulezi, muhupulo kaufela okeni mwa minahano ya luna, pihoy ya teni i sa hupulwa. Mi ika hupulwa kufitela bupilo bufela, mi kihona lu ka yo alaba ka Lizazi la Katulo.

¹⁹⁰ O Mulimu, Mubupi yo mutuna wa lihalimu ni lifasi, Yena yo lu lumela, Ni lapelala sicaba se sa lizazi le. Na itapelela ili na ni bona, kuli Mulena Jesu, kuli U swale Sefa ya Hao. Mi haiba Ni bulela yeñwi ka lishwau, Mulena, Ni... mwa pilu ya ka ha Ni zibi cwalo. Ni lapela kuli haiba ku fosahalile ku na kuli ninge Linzwi la Hao ni kuitusisa sika se si cwalo, Uni swalele ka sona.

¹⁹¹ Kono, Mulena, Ne ni hupula ha No bulezi ku na mwani mwa mushitu, Wa ziba nako mwa kakusasana, kakuli Ne ni sa koni kuzusa taba yani mwa munahano wa ka. Ne ni i amuhezi sina yezwa ku Wena. Kacwalo, Mulimu Ndate, Ni se ni i bulezi kale. Mi Na lapela, Mulimu, kuli Uka i tuhela ibe ka nzila yene Ni hupuzi kuba cwalo, kuli mutu ya nahana, mutu haiba una ni munahano ni hanyinyani, uka ziba kuli una ni kuyema fa Pila Mulimu, mi hana kukenya mwa moyo wa hae sika kaufela se si silafaza kamba se si shutana ni Linzwi la Mulimu.

¹⁹² Mi, Ndate, lu lemuha kuli, sina ha Ni bapisize kwa likopano ze za kacenu; ha li shutani, Mulena. Uka ni atula, zazi leliñwi, kuzwa mwa pilu yaka. Mi Na lapela, Mulimu, kuli U bone kuli ne li sa lukeli kuba ze shutana, kono ne li lukela kuba ze sepahala, kulika kuba ya sepahala, ka kulemuha kuli Ni sweli baba lekilwe ka Mali a Hao, kuzwa likamba le kuya ku leliñwi, ona fa, mwa muhupulo wa ka. Mi buñata bwa bona ba lumezi Piho ye.

¹⁹³ Mi, Mulimu wa Lihalimu, kusike kwaba ni haiba alimuñwi wa bona ya ka lateha. Na ba shimba, mutu ni mutu, ni kuswala Sefa fapila bona kuzwa kwa sibi, Mezi a kauhano, Mali a Jesu Kreste, lona Linzwi le li ezipwe nama. Lumeleza cwalo, Mulena. Mi Moya o Kenile usuluhe kuya ka sepiso kaufela, kukena mwa miyo ya luna. Mi lube bayemeli baba pila ba Munyaliwa wa Jesu Kreste, mwa linako za meto, a kubona Liseli la manzibwana, kakuli lu li tahisa ku Wena ka Libizo la Jesu Kreste. Amen.

¹⁹⁴ Mwa Mu lata? [Puteho ili, "Amen."—Mu.] Mwa Li lumela? ["Amen."] Na, haiba Ni bulezi taba yeñwi ka mafosisa, ka kubulela kuli, "sefa ya mutu ya nahana," Hani sa bulela hape. Hani sika ituta. Ni lukela fela ku bulela ze taha kuna. Mi ha Ne ni boni sani sinze silifafasi fani, Na hupula, "Ki pulelo mañi kwa buipi!"

Mi Sesieńwi sali, "Kuswana fela sina keleke."

¹⁹⁵ Sefa ya mutu ya nahana! Oh, mawi! Kuna ni zeñata hahulu kufitelela fani. Mutu ya nahana hana kuitusisa sani ni hanyinyani. Mwabona? Batili kutokwa. Mi litokwa maikuto a mutu ya zuba, yani ki niti, kakuli una ni kuba ni zona kuli akuyule maikuto a mambengo a hae. Kono mutu, wa luli ya nahana wa ziba kuli moyo wa hae uya kwa Katulo, uka sefa maikuto a hae mwa Linzwi la Mulimu. "Kakuli kaufela ba Ni file Ndate baka taha ku Na." Mi ba ka pila ka Linzwi kaufela le li zwelela mwa mulomo wa Mulimu, ili ona Mezi a kauhano a lu kauhanya kwa sibi. Kakuli, ha li taha kwa Linzwi, lu bona kuli ki sibi ka ku sa Li lumela, kacwalo lwa Li lumela fela ni kuzwelapili. Ki kauhano kwa sibi. Mwa Mu lata? [Puteho ili, "Amen."—Mu.]

Na Mu lata, Na mu lata . . .

Ha lu nanule ni fela mazoho aluna cwale ku Yena.

Kakuli Na ni latile
Ni kuleka puluso ya ka
Fa Kalvari.

¹⁹⁶ Ki sikamañi sa Na bulezi? "Ka se batu kamukana baka ziba kuli mu balutiwa ba Ka, ha mu latana, hamuna ni lilato ku yomuñwi ni yomuñwi." Cwale ha lu itumelise mazoho halunze lu i opela hape, mi luli, "Na ku lata, nina, muzwale."

Na Mu lata, Na . . . (Ki kueza kuli muzibe
kuli . . .)
. . . Na ni latile
Ni kuleka puluso ya ka
Fa Kalvari.

¹⁹⁷ Cwale, mwa tabela Sefa ya mutu ya nahana? [Puteho ili, "Amen."—Mu.] Ha mu ya mwa mukwakwa kwa ku yo utwana ni lifasi kamuso, muzwale, kezeli, kana una ni Sefa ya mutu ya nahana? Fani muuna yani ha ku biza kuli mupikuluhi ya kenile,

kikuli wa itusisa Sefa ya mutu ya nahana nji? Mi haiba mukete ubulela ze maswe ka wena, kana una ni Sefa ya mutu ya nahana? Mwabona, mueze bunde ka bumaswe. Mu lapelele baba mi eza maswe, ni baba mi nyandisa, fohe kipeto musweli ku buyela ka Sefa ya mutu ya nahana.

¹⁹⁸ Kakuli haiba nji mulata fela baba mi lata, sina hane lu itumelisa mwa mazoho yomuñwi ni yomuñwi, sina ba latiwa babande ku Mulena, yani ki yende, kono kana mwa kona hape ku lata baba sa koni ku latiwa? Yani kona Sefa ya mutu ya nahana. Wani kona Moya wa Kreste ku mina, ku lata baba sa mi lati, konakuli mu na ni mupuzo wa Mulimu. Kono, cwale, haiba nji mueza ka musebezi, mwali kuba mu be ni munahano wa mutu ya... Mu inzi fela mwa sikwenda sa bubeli. Kono ki kuzwa mwa pilu ya mina kuli mwa mulata, konakuli musweli ku buyela ka kuitusissa Sefa ya mutu ya nahana. Mi kipeto Li kulisa maikuto a mutu ya kenile, e mu ziba, kuzwa mwa pilu ya mina ku swalela mutu kamukana, lika kaufela, hakuna taba ka se si ezahala. Kana ha Ki yomunde nji?

...uni latile
Ni kuleka puluso ya ka
Fa Kalvari.

Lu ka zamaya mwa Liseli, Ki Liseli lelinde,
Li taha ko kububela bunde bwa sishemo sesi
benya;
Monyeha mwahala luna musihali ni busihu,
Jesu, Liseli la lifasi.

Lu ka zamaya mwa Liseli le, Ki Liseli kwa
bunde;
Mi Li taha ko kuna ni maloteli a sishemo a
benya;
Oh, monyeha mwahala luna musihali ni
busihu,
Jesu, Liseli la lifasi.

Mutahé, mina baba kenile ba Liseli, mubulele,
Jesu, Liseli la lifasi;
Mi milangu ya Lihalimu ika lila,
Jesu, Liseli la lifasi.

Oh, lu ka zamaya mwa Liseli, Ki Liseli kwa
bunde;
Li taha ko kububela sishemo ka kubenya;
Oh, monyeha mwahala luna musihali ni
busihu,
Jesu, Liseli la lifasi.

Mwa lata cwalo? [Puteho ili, “Amen.”—Mu.]

Oh, luka zamaya mwa Liseli, Ki Liseli kwa
bunde;
Mi Li taha ko kububela sishemo ka kubenya;
Monyeha mwahala luna musihali ni busihu,
Ki Jesu, Liseli la lifasi.

Na lata fela sani!

Tumelo ya ka i talima Wena,
Wena Ngunyana Kalvari,
O Mupulusi Ya pahami;
Cwale ni utwe Na lapela,
Zusa sibi sa ka kaufela . . . (Ni sefe, Mulena, ka
Linzwi.)
O tuhela kuli kuzwa kacenu
Ni be wa Hao kakutala!

Mu nahane fela fateni, ku sefiwa ka Linzwi, “wa Hao
kakutala.”

Hani nze Ni zamaya mwa lififi,
Ni maswabi a ni potolohile,
Wena ube Muzamaisi wa ka;
Ufetule lififi kuba musihali,
Kasheza sabo ya maswabi kwahule,
Usike wa tuhelela kuli
Ku zwa ku Wena.

[Muzwale Branham ukala ku ñuñuna *Tumelo Yaka Italima Wena—Mu.*]

. . . kwa pilu yaka ye shwa,
Ciseho ya ka isusuezwe;
O fetula lififi kuba lizazi,
Mi utakule mioko ya maswabi,
O tuhela kuli kuzwa kacenu
Ni be wa Hao kakutala!

¹⁹⁹ Mulimu yomunde, lwa lata ku Ku opelela, kakuli kona mo
luboniseza maikuto a luna, buino bwa luna, puteho kaufela, ha
Unzo lu buyelela Linzwi la Bupilo. Lu itumezi hahulu, Mulena.
Mi pina yani, ulu amuhele, kikuli Uka eza, Mulena? Yani kona
takazo yaluna, ki ku sefiwa mwa Linzwi la Mulimu, ku zamaya
zazi ni zazi mwa Liseli, Liseli la Evangeli.

Mi utaze nzila ya luna zazi ni zazi ka lilato,
Halunze lu zamaya ni Nkwilimba ya Lihalimu;
Lu konise kuya musipili kaufela, ni pina ni
lumenyo,
Taza nzila ya luna zazi ni zazi ka lilato.

²⁰⁰ Lumeleza, Mulena. Lu fuyole hamoho cwale. Lukulula
muhau ni sishemo sa Hao libe ni luna. Folisa bakuli ni baba
nyandile mwahala naha.

²⁰¹ Lu itumezi ku Wena ka Muzwale Coggins busihu bwa kacenu, kuli U mu lukulule mwa sipayela, kuli aye kwa hae hande. Lu itumela ku Wena ka lika kaufela Zo ezize, ni ka mata aluna bañi kuli lu ikutwa kuba baba nanuhile cwale.

²⁰² Lu itumezi ku Wena ka Liñusa nyana leli lobakilwe busihu bwa kacenu, Mulena. Ne—Ne ni sika eza ka swanelo, kono Na lapela, Mulena, kuli Ueze ka kuluka mwa meto a sicaba, kuli ba kone ku bona ni kuziba sene li tiselizwe. I kungele kanya ku lona, Mulena, mi lube ni kutwisiso ye, haiba hakuna sesiñwi, kuli lu lukela kupila ka Sinkwa sa Linzwi la Mulimu, baba sefilwe ki Mulimu kwa kuba bana ba Hae fela. Ki puteho ye kauhanyizwe. Ha ki ya mutu usili fela. Ki ya bani fela, baketwa ba Hao, sina mezi a sitole sesi fubelu a kauhano neli a puteho ya Isilaele fela. Kacwalo, Ndate, luziba kuli Sinkwa ki sa Linga fela.

“Ha ki swanelo kuli Ni amuhe bana sinkwa ni ku nepela linjanana,” abulela Jesu.

Mi musali, ka kukutela fateni, naize, “Eeni, Mulena, yani ki niti, kono Na itakaleza ku nopa buungululwa.”

Mi lu ikutwa cwalo busihu bwa kacenu, Mulena. Lu bata lika kaufela Zo kona kulufa, Ndate, kakuli lu lapile mi lunyolezwi buñata bwa Hao.

²⁰³ Lumeleza kuli ku lapa kwa luna ku kuliswe mi litakazo za luna li zibahaliswe, kakuli, Ndate, lu bata kuba ni takazo ya mutu ya lukile. Mi Mutu ya lukile neli Jesu Kreste, mi takazo ya Hae neli kueza tato ya Ndate, yeneli Linzwi. Lumeleza lika ze ku luna, Ndate. Lwa li kupa ka Libizo la Hae. Amen.

Ha lu yemeni cwale halunze lu opela pina ya kuzwa ka yona, yakuli, *Unge Libizo La Jesu Ni Wena*.

²⁰⁴ Kwande mwahala libaka cwale, kafo ko ku ile Liñusa busihu bwa kacenu, mi Mulimu abe ni mina cwale halunze lu lukuluha mwa tapelo. Mi mutu ni mutu wa mina, kwande kafo, Na sepa muikozi hahulu ka kuteeleza sina hane Ni Li tisa ku mina. Mi Ni sepa kuli Mulimu uka Li beya mwa lipilu za mina ni ku mina toloko ye lukile ku lona.

²⁰⁵ Mi mina sicaba kwanu mwahala batu baba na ni litaulo ze beilwe fa, Ni li beile mazoho. Ni lapela kuli Mulimu afolise mutu ni mutu wa mina, hakuna kuba nihaiba yomukana ya kula mwahala luna, mwabona mo Mulimu a alabela litapelo.

²⁰⁶ Halu kopana hamoho, “Batu baba bizizwe ka Libizo la Ka haba ka kopana hamoho ni ku lapela, konakuli Ni ka utwa nili mwa Lihalimu.” Na sepisize ku eza sani.

²⁰⁷ Kacwalo, ha lu sika aluhana. Lu siñomoto fela sa Mutu alimuñwi; luna kaufela lu alimuñwi, ku Kreste Jesu. Mi yomuñwi ni yomuñwi alapelele wa habo; mu ni lapelele sina ha Ni mi lapelela. Mi Mulimu ami fuyole kufitela lu mi bona hape.

²⁰⁸ Mi Ni sepa kuli mukaba baba tundamena . . . mina mupila kwanu fa bukaufi, mu ka tahanga kwa tabernakele ni kuto pota kwanu ni mulisana wa luna yomunde, Muzwale Neville. Uka mi eza hande, Muzwale Mann ni sicaba sesinde so ba nani mo mwa tabernakele.

²⁰⁹ Haiba mufumaneha bukaufi ni Muzwale Junior Jackson kamba babañwi babona mwahala naha kaufela, New York ni libaka ze shutana ko ba na ni mikopano yabona, mwahala Arizona ni California, mupotele likeleke zani haiba mu fumaneha kafoo. Lu lapela kuli mu ka kuta hape mi mubone kuli mulisana a mi tuse kwa kuziba zeñata za Mulena Jesu.

²¹⁰ Mulimu ami fuyole cwale halunze luopela *Unge Libizo La Jesu Ni Wena*.

. . . Libizo la Jesu ni wena,
Mwana ya mwa manyando ni bumai;
Li ka kufa tabo ni mbombolelwa,
(Ki sikamañi so ka . . . ? Uka ku beya fa . . . ? . . .)
. . . u zamaye.

Libizo Lelinde (Libizo lelinde), O haki bunde
ni bo! (O haki bunde ni bo!)
Sepo ya lifasi ni tabo ya Lihalimu;
Libizo Lelinde, O haki bunde ni bo!
Sepo ya lifasi ni tabo ya Lihalimu.

²¹¹ Ka kutilima fa puteho busihu bwa kacenu, kubona Muzwale Estle Beeler kwa mulaho kafo, Muzwale Palmer, ni babañwi babañata, Muzwale J. T., ni babañwi babañata ba bakutazi baba yemi bukaufi kwanu, Hanikoni kupunda mabizo a bona. Kambe Ne ni kaba ni mina, mutu ni mutu, kwa katala kwanu, ni mina kaufela mu lukulule puteho kamba mueze sesiñwi. Mwa utwisia, nji cwani? Na ziba muna ni pilu ya Sikreste mi muziba kuli lu lukela ku . . . kamo lu—kamo lu inezi; luna kaufela lu Mutu alimuñwi, ku Kreste Jesu.

²¹² Cwale halu hupuleñi liñolo le halunze lu i opela, fo Muzwale wa luna Martin mo hanza lu lukulula mwa tapelo. Mi Ni bata kuli . . . Yo ki Muzwale Earl Martin yazwa, Na lumela, uzwa kwa Arkansas kamba—kamba Missouri. [Muzwale Earl Martin uli, “Missouri.”—Mu.] Missouri, ona kwani kwa Arkansas, Missouri neku lani. Bana ni keleke kwani.

²¹³ Mi Ni lemuhile muzwale yomuñwi yo yazwa kwani, Hanisa hupula libizo la hae, Brewer. Nali kwanu kakusasana cwana. Na sepa usali kwanu busihu bwa kacenu. Yeah, Na mu bona uyemi neku la kwanu, Muzwale Brewer. Ni sepisize ku taha kwa kuto neela likeleke za bona, linako zeñata hahulu. Ni ka ba kwani zazi leliñwi, ka tuso ya Mulena, sina mo Ni konela.

Cwale, halunze luopela timana ye tatama ye cwale.

Ka Libizo la Jesu lwa kubama,
 Luwa ka mañwele kwa mautu a Hae,
 Mulena wa malena mwa Lihalimu luka Mu
 apesa mushukwe,
 Ki fo musipili wa luna ufela.

Halu i opeleñi cwale.

Ka Libizo la Jesu lwa kubama,
 Luwa ka mañwele kwa mautu a Hae,
 Mulena wa malena mwa Lihalimu luka Mu
 apesa mushukwe,
 Ki fo musipili wa luna ufela.

Libizo Lelinde (Libizo lelinde), O haki bunde
 ni bo! (O ha ki bunde ni bo!)

Sepo ya mwa lifasi ni tabo ya Lihalimu;
 Libizo Lelinde, O ha ki bunde ni bo!
 Sepo ya mwa lifasi ni tabo ya Lihalimu.

Oh, unge Libizo la Jesu ni wena,
 Kuba tebe ya malaba kaufela; (muiteeleze
 cwale)

Oh, fo miliko ha ikutahela, (ki sikamañi so
 lukela kueza?)

Bulela fela Libizo leli kenile lani mwa tapelo.

Libizo Lelinde, O ha ki bunde ni bo!

Sepo ya mwa lifasi ni tabo ya Lihalimu;
 Libizo Lelinde, O ha ki bunde ni bo!

Sepo ya mwa lifasi ni tabo ya Lihalimu.

Halu inamiseni litoho zaluna.

O Libizo Lelinde, O ha ki bunde ni bo!

Sepo ya mwa lifasi ni tabo ya Lihalimu;

Libizo Lelinde (ku kolobezwa ka Lona; ku
 lapela ka Lona), O ha ki bunde ni bo!

Sepo ya mwa lifasi ni tabo ya Lihalimu.

Muzwale Martin. [Muzwale Martin wa lapela—Mu.]



SEFA YA MUTU YA NAHANA LOZ65-0822E
(A Thinking Man's Filter)

Liñusa le ka Muzwale William Marrion Branham neli katalizwe lwapili mwa Sikuwa la Sunda manzibwana, Muyana 22, 1965, ili fa Branham Tabernacle mwa Jeffersonville, Indiana, U.S.A. iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2017 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org